

3486  
3474


v.2

海東樂府

坤











Carpentier



海東禁府卷之二

澹村居士著

石窟誓

金便信駕落首露王十世孫舒玄子也舒玄見新羅  
宗室訖宗之女萬明悅而私通焉後訖宗知之因萬  
明別室忽雷震屋門守者驚走萬明由隙逃出遂與  
舒玄往之萬弩郡生便信兒時忽鹿游韃韞侵凌慨  
然有削平之志獨入中岳石窟告天誓之有一老人  
來授秘訣曰慎勿妄傳言訖不見初入花即徒驪龍  
華香徒及為羅將謀平百濟與金春林師大唐伐之  
盡有其地遺補



父愛榮感星母夢金甲神北斗七星森在背精神浩  
浩流庚辰紫芝眉宇花郎衣獨入中嶽言諄々玉笥  
押天嵌空瑤瑤簾石室光如銀篆香飛入桂花殿天  
皇不語回青頻太一仙座捧符下綠箬緗羅金字新  
古攜飛雲跪拾落仙訣下傳々其人鈞所滄頊裂山  
嶽天鳥落地河龍馴虛角星芒垂眼花誓茅百清清  
烟塵故人春秋獨知心曉送星輶西入秦宮獨天生  
新月輪自是人多衛國臣

按留侯為韓報仇誠感神明故黃石公秘訣以傳  
之劉向為漢書著精通神明故太乙仙人夜授秘



書使信授訣之事似涉荒誕而精誠感處無物不  
透則固無怪天神之下臨也

焚妹吟

新羅金使信姊寶姬夢登西嶽捨溺滿京城朝  
與妹文姬認夢文姬願買其夢曰請以吾錦裙鬻  
之姊曰諾文姬開襟受之因語使信後使信與金  
春秋蹴鞠於家故踏春秋衣裂縫紐曰請入吾家  
縫之春秋從之使信使寶姬縫之姬曰豈以小事  
輕近他男子所着乃使文姬姬縫之春秋知其意  
遂出之數日往來因有娘使信知之乃責白甬不



告父母兄弟而有身罪可殺乃宣言於國中欲焚  
其妹一日侯善德王幸南山積薪庭中焚燭漲天  
王問其姻左右曰此庾信之焚妹也時春秋在前  
顏色大愛王曰是汝所為也急往救之春秋受命  
往止之遂行婚禮生子法敏及春秋為王姬為王  
后出補遺

甫妹何所事甫妹何所行生來不出門胡乃子結成  
繡裙買漫知甯心庭前蹴鞠拾佳錫金針穿得女媧  
線脉之款繡山就明不勞屏間孔雀射暗動維山玉笋  
散南山白日生紅姻國說藉之君王驚君王驚公子



走女命為重即身輕解惜胎中有聖骨焚烟未消先  
親迎

按寶姬守正道而不近他家之男子文姬悅私慕  
而甘縫外人之裂衣雖位至中壺其非卓文君之  
流乎况庾信導其親友潛通女弟此上古淫褻之  
俗也今人見之將不食其餘

龜兔說

百濟義慈王與高句寶藏王共伐新羅以絕朝唐  
之路善德王告急於唐已而百濟將允忠拔大耶  
城城主伊食館品釋與其妻古陀竹竹龍石等死



之古施娘金春秋之女也春秋倚柱而立終日不  
瞬不省人物嗟啼曰丈夫豈不能吞百濟以報此  
讐遂請王曰請乞兵高句以酬怨遂使高句高句  
王臧素聞其名嚴兵衛以迎之春秋請乞師以伐  
百濟臧曰竹嶺本吾地若還竹嶺西北十郡兵可  
出春秋曰臣奉君命乞師不知其他王怒囚之別  
館初春秋將行至代買縣縣人豆斯智贈青布三  
百匹及是賄其寵臣道解道解諷之曰子聞龜兔  
說乎昔東海龍王之女病心欲得兔肝醫之有一  
龜請行遂登陸見兔曰海中有別世界清泉白石



茂林佳果寒暑不能到鷹隼不能侵爾若一到可  
以樂而忘返兔請行龜負兔至龍宮遂語以醫病  
之由兔曰肝不難耳但吾是神明之後能出五臟  
洗以納之日者患暑出肝洗之置於巖石上與爾  
急來未及收藏吾將歸取以給之龜信其言負兔  
而還繞上巖兔躍入草中曰愚哉汝也矇哉汝也  
豈有出肝而生者乎龜默然而歸春秋曉其意白  
於王曰臣請歸國白之即還二嶺之地王厚禮而  
歸及出境謂送者曰國家疆理冰使臣所知吾為  
圖生而許之矣遂入唐求援



使來為乞師使來非還地既不賦無衣胡為館季氏  
青布揆作狐白裘道解一言多妙理龍宮兔肝能出  
入龜縮頸羞欲死兔雖飾詐能逃生人生涉難能  
生智君前一諾君為喜非我負盟要盟耻出疆變辭  
君莫怒龜自見欺兔何訛只為見娘怨未釋不知歸  
訴唐天子

昔孟嘗出秦豈以狐裘之賂而得之哉秦王之意  
業欲送歸而狐白之賂適入也道解之諷春秋已  
知高句王之心故以龜兔諷之若使高句真可囚  
春秋而得地則如秦囚楚懷王而不送可也何必



得其諾而徑先放歸也不歸一國之王尚未得地  
况脅國相而因之能得其地乎

### 丕寧子

百濟園新羅桐岑茂山等城金庾信帥一萬兵禦  
之苦戰氣竭庾信語丕寧子曰今日之事急矣非  
子誰能激衆心乎曰敢不惟命遂赴敵將死謂其  
家奴舍節曰汝保少主護尸而歸子舉真隨父將  
赴死舍節以父言告之執鞭固止舉真曰豈有見  
父死而獨生乎劒擊舍節臂縱鞭突陣而死舍節  
曰兩天崩矣吾何獨生為亦隨之三軍嗟之皆感



勵勇赴大敗濟兵

丕寧子誰家子百萬軍中獨意氣霜重鼓聲撞不起  
一身能倡千熊士將軍有命死可以魂與兒歸婦復  
矢奴執鞭子劒臂伏殺血流忠孝字新羅王業得人  
死後來繼者盤屈是

戰以激勇而勝衰惰而敗故兵不在多戰不在弱  
一人示怠則千人氣喪淝水之朱序大呼兵敗則  
秦軍四散一夫忘死則千軍氣倍昆陽之光武身  
先士卒則漢兵一新此兵家之常事故東坡策畧  
以倡勇敢為主今丕寧子一死以勇而其子殉義



其奴殉節以致全師之獲焉古人所謂父死於忠  
子死於孝者非是之謂歟

### 城上拜

高句泉蓋蘓文弑榮留王立寶藏王唐太宗使將  
儼責之蘓文因於窟室帝自將擊之以亘州刺史  
鄭天濤嘗從遼征遼召問東征之策對曰遼東踞  
遠糧艱東人善守城恐難猝下帝不從以李世勣  
為大總管率大軍三月拔玄菟進至安市城高句  
北部高延壽南部稱薩高惠真即靺鞨兵十五萬合  
高句兵救安市陣長四十里帝有惧色將軍江夏



王道宗曰彼傾國以抗王師手壞之守必弱假臣  
精兵五千直蕩其根李則彼可不戰而降帝不從  
自將步騎四千人挾鼓角偃旗幟登山勅諸軍聞  
鼓角各出奮擊虜軍大潰死者二萬餘人延壽惠  
真降遂各所率山曰駐蹕帝之克白巖也謂李世  
勣曰吾聞安市城險而兵精城主賢勇蘇文之亂  
守城不暇建安兵弱而糧少城守不堅出其不意  
而攻之必克公可先攻建安建安下則安市在吾  
掌中對曰今踰安市而攻建安虜人若絕吾糧道為  
之奈何帝曰以公為將安得不用公言遂攻安市



匡壽等曰烏骨城可易拔若破之則其餘山城必  
望風而潰可鼓行入平壤矣帝欲從之長孫無忌  
曰天子親征不可棄危微幸遂急攻安市城中固  
守相距四十日帝聞城中有雞豚殺乃曰此必饗  
士今夜焚營也遂嚴加預備城中夜知有守遂良  
道宗督眾守土山於城東南城中亦增高其城以  
拒之日六七合衝車礮石壞其樓堞城中以木柵  
塞其缺傷晝夜不息凡六旬又作造山以壓城城  
崩虜軍從缺處出戰奪據其山帝以遼左早寒草  
枯水凍士馬難久留勅班師耀兵城下而歸城主



登城拜辭曰賊在守土義難迎降天子有歸敵不  
恭行臣禮帝嘉其固守賜縑百疋

白巖山外陣如月遼東老將牽螳臂將軍義不事泉  
蓋將軍亦豈賣土地世勛長孫何憎我建安烏骨甘  
為棄晉竊蛙生民不叛即墨鐵籠誰能毀八彩玄花  
落白羽臣罪有死臣不避遼山草白霜侵襖帝夢急  
醒回龍纒此地豈有降將軍城頭再拜臣職遂百匹  
絁縑不足貴貴是唐皇能獎義

昔鄢陵之戰卻至見楚子免胄超風峯丘之戰韓  
厥見齊君奉觴加璧君子以為知禮庾公之斯不



射子濯孺而扣輪則孟子以為知義夫戰守有青  
則責可不不修也職貢既修則分不可不顧也故  
鄭伯敗天王于溫而朝使人勞饒今安市將之處  
義內不屈於蘇文外不屈於唐皇屹然強立有如  
聊少無所難及其天子之歸拜以送之可謂知禮  
勇俱備矣

楸南怨

初高句國有水逆流平原王使卜者楸南占之奏  
曰大王王后逆行陰陽之道其地如此王妃大怨  
謂是妖狐之語告於王中以他事乃以一鼠藏於



盭中問是何物楸南曰此必鼠也其數有八乃以  
失言斬之楸南當刑曰吾死之後必有大將滅甫  
國矣後剖鼠腹視之果有七子其夜高王夢楸南  
入于新羅女萬明之懷覺而告之羣臣皆懼已而  
萬明生金庾信王使劔客白石逃入新羅結遊郎  
徒郎徒中庾信為首方以麗濟日夜為謀白石知  
其謀乃告之曰僕請與公潛行先探於彼何如庾  
信喜與之行乘夜憇於峴上有二女悅惚隨郎而  
行至於骨化川又有一女隨行庾信與三娘行語  
良久各以美菓啖之遂約以中林庾信謝白石偕



入中林更陳情實三娘乃現神形曰我等奈林穴  
禮骨化三城之神今敵國刺客誘郎而去去必亡  
笑言訖而隱庾信聞而驚仆夜宿骨化館謂白石  
曰今入他國忘其要文而來請與爾還家取來遂  
與歸家拷縛白石得其情而殺之

儂占不占身只占陰陽變牝雞司晨既得知乳鼠七  
子何難辨丹門冤血石花斑怨魄亘天天為霞瓊樓  
曉夢皆精神托胎幻骨誰家人白石粼粼多殺氣三  
娘繡袂生陽春我生既非高家民高王焉得害後身  
遊魂托在松花房長護英雄渡漢津



前後身之說多載古文而况楸南精神迥異他年  
三娘現身亦非異事近來耳目所聞見亦多有之

### 颶風鴛

新羅善德時大臣毗曇等憤女主用事起兵於明  
活城聲言將廢王師營於月城攻守十日有大星  
落於月城毗曇謂士卒曰吾聞落星之下必有流  
血此女主敗亡之兆士卒歡呼聲震天地女主恐  
之金庾信曰吉凶無常惟人所召討以赤雀亡魯  
以獲麟衰殷以雉離興鄭以龍鬪昌德勝於妖  
灾異可消也又造草偶人抱火載於風鴛而颶之



若上天然翼日傳言於踞曰昨夜落星還上天又  
刑白馬祭於落星之地祝曰天道陽剋而陰柔人  
道君尊而臣卑惟天善善惡惡無作神者於是皆  
諸軍奮擊斬之

玉門宮晨野鷄鳴東南叛氣明活城半月陣前白榆  
落西營戰士誰呼聲龍華老子進奇計赤雀火鳥鑑  
分明火驚乘風作造化三軍指點明星生明星復生  
賊氣死天應下燭將軍誠禁壇白馬賽星回天亦有  
意陰雲晴女主非賢臣有賢豺聲蜂目事何成  
昔田單以烏作神師卒成盡牛之功陳涉假作魚



錄之祥因竊扶蘇之號蓋我事以奇而勝使人銜  
亂方可成功庾信此舉亦龍衣其謀者

### 換死骨

新羅伊倉品釋夫妻俱死於大野之戰

大野即金大耶城

庾信為押梁州軍主將伐百濟飲酒喜樂久不戰  
人皆謗之庾信知民可用乃簡練精兵襲大梁城  
百濟拒之佯北不勝誘至玉門谷百濟輕之悉衆  
大來伏殺擊其前後大敗之獲百濟將軍八人遂  
告于濟曰我軍主品釋之骨埋於爾國獄中送此  
夫婦之骨易此八俘而去可乎百濟許之遂積品



釋古阨之骨而送之時金春秋為其女古阨請兵  
于唐以討百濟及歸古阨之骨已返春秋歎曰微  
庾信豈得見賢女之骨乎噓啼三聲而拜

死骨元非貴貴是夫忠臣妻烈女大野城頭招斷魂  
魂不歸兮山川阻有舅灑血同此仇大梁白水流如  
許幕前生擒八壯士生將軍買死人骨襄老尸換生  
知榮知榮有父心如鉄老爺謾作中原行死魂應告  
歸家日父未報仇舅已報長春有神同欣悅

昔邨之戰楚也知榮被獲於楚知莊子曰不獲人  
子焉得吾子遂射連尹襄老載其尸而還以易知



鑒世稱莊子之勇古阨之亡春秋之所必返而不  
能奮一戰於大梁城以獲一濟停而庾信乃能之  
可謂羸春秋一籌

溫君解

新羅真德女王八年金春秋藥子文汪入唐請兵  
唐高宗勅將軍蘓定方帥師二十萬攻百濟於是  
內出珍服賜春秋春秋願留文汪以備宿衛還至  
海上遇高句邏卒計無以免從者溫君解着高冠  
大衣坐於船上邏卒以為春秋殺之春秋乘小船  
得免女王嘉其義贈其爵大阿飡



鷄林老鳥翺翺飛去去長安別雞歸大海帆檣浩微  
微云誰之子知陰機西隣枉疑謀邊歲非是百濟潛  
指揮不知西門迺漢轅東門黃屋焚焰燁船頭大冠  
故生輝白龍歸時變魚衣君身雖死死不饑掣手長  
虹亘雲縈

烈士之代人受死者甚多而載之書史者亦少衛  
壽之竊節先赴紀信之黃屋誑楚尚矣無論以我  
東言之申崇謙戰甄萱於完山也勢急看虜太祖  
衣冠赴戰死太祖得以免後錄開國元功我



英廟戊申之亂賊兵入上黨山城搜出兵使李鳳  
祥其裨將洪霖曰兵使即我也遂大罵不絕賊執  
而殺之君卒之間出謀立節千古烈士同一心事

### 織錦頌

羅真德女星自製太平頌織錦為紋以獻唐帝

其文

曰大唐開法葉  
四時和玉婦七曜巡萬方帝褒賞之

織織女媧手盡日垂簾織儂織織不常一日三十尺  
扶桑蚕絲天女梭日月光彩銀潢紋上言天王勲下  
言臣職勤寄與官家使譬之野人芹何能得及君王  
后手碑玉環驚秦君



苜蓿滔妻蘓若蘭織錦為面以獻隋帝放歸其夫  
女紅之妙至今藉甚我東本無織錦而女王能之  
抑其自得之妙歟作媚語以要大國不亦勞乎此  
時唐之武后用事其褒賞之意可謂同聲相應

### 任子奴

新羅夫山縣令祖末埤被虜於百濟為佐平

今相國名

任子家奴任子信之後逃歸金庾信與之語知其  
可用私送任子曰兩國存亡不可知若子國亡則  
子依於我我國亡則我依於子子其面之任子默  
然末埤惶懼而退數月任子召末埤曰若之前言



已熟思之可歸告庾信遂來說百濟陰事於是並  
吞之謀日甚

夫山令任子奴去任子來庾信庾信任子去來間百  
濟新羅兩心賢二國存亡孰主張鞠窮之呼欠忠藎  
却恨扶蘇有伯嚭徒能賣國捐忠信

人國之亡必有懷二心者左右慫恿以為兔窟之  
計此曹無傷之見斬也夫差之伯嚭楚懷之斬尚  
齊王之蘓秦項羽之丁公皆其國之蠹鼠耳明之  
末寧遠伯李成標典老士亦有主客之情授女以  
送之戊午深河之戰李如栢預通五路之信使之



全軍覆沒戊辰老上赤傷弩之死也行賂毛文龍  
之客使東林諸子必殺袁崇煥此皆明之內蠹之  
致耳我朝壬辰之恢復以其諸君子合心衛國  
無一內傷也已

### 長春神

新羅金春秋伐真德而立是為太宗王請兵于唐  
以伐百濟久而無報心懷不平忽有人立於王前  
若有告曰臣長春罷郎也昨到大唐認得皇帝命  
大將蘇定方領兵以明年五月來伐百濟以亡言  
畢而滅王驚異之厚賞二人子孫立莊義寺以資



冥福蓋二人曾死於百濟黃山之戰者也

恍惚靈飈起半空花燈滅沒嗶嚶中  
見鵰羽箭牛角  
予自道黃山之鬼雄伊昔黃山戰塵濛  
伏弋流血將  
軍風魂  
予上訴天  
皇宮  
天皇許我  
驅熊羆  
半月王氣  
何時終  
江樹鳴  
蜩聲在  
東自是  
精神浩  
不窮有  
仇不  
報如日  
紅年山  
亭子  
薦福宗  
佛功果  
能酬陰  
功

鬼固有先期而告者晉申生之見狐突而告以弊  
於韓麗穆宗之見康兆而叱以天殺汝此皆冤魂  
穀魄死於非命結而不散亘天地而游行故其現  
身發語若符斯驗况忠臣義士其正氣剛大足以



塞天地而並日月則豈曰死乎謂之生人可也

月輪行

百濟義慈王荒淫多虐有衆狐入王宮而哭槐樹  
有聲如人哭王都井水赤如血泗泚水亦赤蝦蟆  
數萬集於樹上市人驚走或有僵仆死者無數有  
犬如野鹿至泗泚河岸向王宮而哭又有鬼踏宮  
庭大呼百濟亡者三即入地中王使人掘地得一  
龜背有文曰百濟同月輪新羅如月新王問于巫  
巫解曰同月輪者滿也滿則虧如月新者未滿未  
滿則盛也王殺之新羅太宗王聞其恠變遣金仁



回入唐請兵

狐號月不足愁井流血不足悲  
子鄴蜀鬼呼庭百濟  
亡亡何時蒼茫赤甲記蚪蚪滿月  
新月昏明隨自是  
天心警王德月輪雖盈盈不虧  
空令枉死新田巫巫  
雖殺不赦亡黃皓飾辭何能昌  
晉侯殺巫難消殃試  
看東隣西結唐也是新月自生光

月輪有虧而還盈人國一亡而無興  
此反不如月  
輪也使義慈惕然警言悟內省  
修德則灾可為祥而  
及正移罪於巫而枉殺之何能得  
楚昭宋景之中

興哉



飛鳥曲

新羅將金庾信約唐將蘓定方伐百濟百濟佐平  
取忠諫王荒淫囚獄中將死謂曰若使異國兵陸  
行過炭峴水行入白江則必亡矣問大臣興首對  
亦如之王以罪人之言不可信乃不禦之唐兵進  
入白江口忽有鳥回翔於營上下者曰必傷元帥  
定方懼欲引兵而止庾信曰妖不勝德今天時人  
事已有定矣奈何以飛鳥之旌遠天時乎乃拔神  
劍擬其鳥落於兵前乃出水涯與定方乘山而陣  
白馬江寒戰艦迷飛鳥格格繞營啼周天火鳥稱不



祥西營大將氣欲低七星劍殺蛟龍鞘金甲將軍猛  
虎哮日下指烏烏自落精誠自與神靈交可憐百濟  
兩佐平死魂猶泣扶蘇郊

昔魯哀公問禍福災祥而夫子答以在人不在天  
孟商卒之世城隅之雀忽生大鳥占者以為瑞而  
紂恃雀而亡太戊之時野桑七日拱于朝占者以  
為野木生朝亡國之徵太戊修德而興故天灾地  
妖所以儆人主也寤夢徵怪所以儆人臣也灾妖  
不勝善政寤夢不勝善行夫新羅之政別無此警  
警度信之忠足以做事則烏豈得為妖乎昔魯陽揮



父而却日昌黎祝雲而雲開庾信指鳥之意示唐  
將以神變使之信心同力抑田單神師之遺謀歟  
士致命

羅大將金庾信與副將品日進軍黃山原百濟將  
軍階伯據險設營庾信四戰不利將軍欽純謂子  
盤屈曰為臣莫如忠為子莫如孝見危致命是謂  
忠孝盤屈八陣力戰死品日呼其子官昌曰今日  
之役汝能為三軍標的乎官昌以甲馬單槍徑赴  
敵被擒階伯愛其少且勇不忍加害歎曰新羅不  
可敵也初少如此況壯大乎乃縱之官昌歸告其



父曰吾誓斬將刈旗以還言訖掬飲井水更向賊  
力戰階伯擒斬之繫首馬鞍以送之品日執其首  
流血濕袂曰吾兒面目如生死王事足矣三軍見  
之慷慨鼓舞進擊大破之遂斬階伯滅百濟

父考謂子死子兮惟父命惟忠惟孝死而已今日之  
戰爾為政欽將軍品將軍不恤私情教子正嗚呼東  
營士有百官昌一階伯安能

昔魯哀公之戰即也童汪錡赴戰而死夫子勿殤  
之越句踐之戰吳也父勉其子兄勉其弟誓以必  
死於越再興夫為人父者勉子以避死乃其常情



而新羅人人反常情而有死長之心如此而豈有  
不滅賊者乎階伯忠勇亦罕其比而一階伯何能  
當百庾信乎如使百濟風俗人人是階伯則兩國  
存亡未可知也

### 天唱空

唐高宗為太子時有天唱於空中曰三十三天之  
一人降於新羅為金庾信有佐俞大弼回書而封  
之及新羅王春秋薨廟號太宗唐遣使告曰先皇  
得賢臣一統天下故為太宗汝先王亦號太 為  
不可文武王名法敏上表曰小國得聖臣金庾信一



統三國故封為太宗帝出所藏書檢視之驚異而

止出補遺

深溪紫園裡若有空中唱云是三十三天一人降降  
在新羅王業創青宮恍惚診曉夢綠篋亟書留寶藏  
宜知小國有聖臣受天之命得天相門前鬼卒泣月  
歸咽薄秋山鼓吹塋賢邪進退死不忘興武大輝存  
嘉獎

按金庾信以文武王二十年卒年七十九王以軍  
樂鼓吹塋之立碑紀功初人見鬼兵數十人自年  
郎門踰江而去恠而傳之庾信曰此是陰兵護我



者見我福盡而去吾其死矣疾甚王親問之對曰  
願親君子遠小人後追封為興武王

霜岑歎

百濟旣亡武王從子福信與浮屠道琛據同留城  
迎王子扶餘豐立之而此部皆應遂圍劉仁願於  
熊津城唐使劉仁軌便道發新羅兵以救之仁軌  
喜曰天將富貴此翁矣請唐曆而行曰此行當掃  
平東國殞大唐正朔矣福信立兩柵於熊津江口  
以拒之唐羅兩將挾擊濟兵濟兵阻水橋狹戰死  
者萬餘福信乃釋熊津之圍退保任存城羅兵以



糧盡而歸於是道琛自稱領車將軍福信自稱霜  
岑將軍兵勢益張邀擊羅兵於葛嶺大敗之新羅  
不敢復出已而福信謀殺道琛並其衆仁軌遂與  
仁願合軍休息三月大破福信於熊津拔大山沙  
井等柵而已扶餘豐殺福信拒唐劉仁願水陸並  
進克周留城扶餘豐脫身獨走不知所終

周留城殺雲迷熊津城月暈圍兩將同心鉄作陣唐  
羅二軍支離歸葛嶺秋風勝鼓飛戮力同守未必恢  
如何此心變中途強寇未平自相圍吾殺人人殺吾  
窟室何心詐病卧阿豐已鑑前領車請看白江紅波



動脫身王子中林逋

夫君子以義同事故其心固小人以利同謀故其  
心弱范蠡文種同心霸越仗其義也程嬰杵臼一  
心存趙亦以義也皇叔閔張義結兄弟而踐約同  
死亦此義也我朝壬辰倭亂重峯先生與休靜  
大師同約起兵而同日殉義於錦山之下蓋其心  
出於公故其義長小人則不然瞋忽之頃趨向各  
殊彼我之間形色已露故張耳陳餘終成冤家董  
卓呂布畢竟屠戮此無他公私之別也如使扶餘  
遺種出於公心真以社稷為重則有何相害之意



我只其私欲蔽之獨利之心先生故霜岑殺領車  
高豐殺霜岑而新羅自為挾彈之公子噫夫

### 寄生歌

遺史云百濟餘衆降叛無常唐高宗患之以義慈  
王子挾餘隆為熊澤都督使之歸國與新羅交乎  
詔劉仁軌刑白馬為盟辭作金書鉄契藏新羅廟  
中隆畏新羅復歸唐儀鳳中復以帶方郡王遣歸  
安輯餘燼隆畏新羅終不敢入寄高句麗十餘年  
而死

白馬江邊杜宇啼熊澤古木思春色中原大人歌纖



月一盤鷄血平東國吾土雖信美有仇歸不得螳臂  
豈得車轍捍病鳥祗驚虛方射南州父老歌陌花滿  
目江山只夢歸千乘家國歸何處萋草咸陽泣布衣  
箕城不堪居淚水流支離齊郊松柏但秋聲落花巖  
水年年悲

少康曰舊臣靡而興夏昭王曰鄭隈而復燕皆出  
萬死一生之計也扶餘隆既得唐帝之助則歸國  
養兵收合餘燼庶乎有成而惴於新羅之襲殺不  
得安席乃為高句之寓公此何異惴虎守而不入  
吾家乎真亡國之兒耳



召男生

初高句莫離支

名丞相

泉蓋蘇文弒建武王唐太宗

問羅不克而還寶藏王二十五年蘇文死長子男  
生代為莫離支秉國政出巡諸城使其弟男建男  
產留知國事或告二弟曰男生將害之又告男生  
曰二弟將拒之男生遣人伺之為二弟所獲乃訴  
于王曰男生將叛王召男生男生脫身奔唐男建  
代為莫離支發兵討國內城男生遂為唐前導滅

高句

莫離支為禍根骨肉自相吞男生謀國不謀身當時



枉巡諸城門宮中二哥潛附耳因鳥飛飛入中原豈  
忍提兵渡鴨綠蘓文有魂應嗔責

崔杼廢封之亂專由讒間之譟張而卒滅其家蓋  
小人主利故邪心易生骨肉之間自生疑阻以  
至於親外國而讐兄弟傳所謂所厚者薄所薄者  
厚者男生之謂乎

### 劔年岑

高句既亡大兄劔年岑欲圖興復收合殘民見故  
宗室安勝迎致漢城立為君遣使請附新羅王處  
之西鄙唐遣將軍高侃發兵討之安勝殺劔年岑



來奔新羅羅王丹為高句王妻以外妹

羅文武王時

劔年岑真義士國亡不亡惟死以安勝君何許人不  
讐言其讐讐義臣西鄙何似用句東燕王殺丹還為秦  
婦來愧對新羅婦棄盡山川作贅賓

陰符經曰害生在恩若使少康畏羿而殺臣靡法  
章畏燕而殺田單則何以就中興之功乎安勝不  
讐滅國之新羅而其讐立已之劔年此所謂自毀  
其家也禽獸尚知愛其已者真禽獸之不若也

### 貽書歎

百濟平後新羅定加林等城踐其田禾唐怒擊之羅



兵迎戰於石城斬五千餘級唐總管薛仁貴遣麁  
僧琳潤貽書曰惟君昔為忠臣今乃逆首去由也  
之片言失侯生之一諾逮垂天命近棄父言暴侮  
天時侵欺隣好平戶徵兵連年舉斧持彈而往暗  
於枯井之危捕蟬以前不知黃雀之難輕聽縱橫  
之說自迎鬼瞰之責內懷異面外招強陣高麗安  
勝受以容之自懷去就之疑不堪襟帶之重仁貴  
樓舡奮翼風帆連旗思其舊日未忍加兵惟願王  
歸以流謙之義存於順迪之心王報書歷陳忠勤  
明其不叛



將軍氣桓桓始林秋塵殘扶蘓鹿角既失倚月城齊  
盟將欲寒加林取禾不足問石城刈旗何須怒黃龍  
古塔已現神只恃天兵不得渡

於是乎唐陷於新羅之計矣新羅之計專出於西  
秦遠交近攻之策詐託唐家效其忠勤之誠而其  
實則面百濟之意也不然則百濟既亡之後何以  
不從唐而反與相戰乎蓋唐之於麗濟實無所關  
而只為新羅之鷹犬浪費軍力可咤

### 遯野怨

新羅既失和於唐唐將高侃攻平壤羅軍大敗太



監阿諱倉年七十橫戰突陣而死是役也金庾信  
子元述為裨將欲赴陣死其僕淡凌輓馬上之遂  
還庾信曰元述不惟辱王命亦負家訓可斬也王  
曰元述裨將不可獨施重刑乃赦之元述慙懼不  
敢見遂於田野及庾信卒元述求見母母曰婦人  
有三從之義爾既不得於父吾焉得為爾母終不  
見元述慟哭曰為淡凌所誤以至此遂入太白山  
結茅屋以居後唐兵來攻買蘇川元述欲雪前恥  
力戰有功以不容於父母終身不仕

平壤城中鼓聲起七十老將伏歿死躍馬突陣彼誰



子紫韁甘為淡凌上歸見君王不見父不見父尚可  
母不見太白山中白茅屋歸夢尚阻節孃面買蘇川  
邊百戰苦百戰苦亦何補

合節執韁而舉真劔合節而赴死淡凌執韁而元  
述聽淡凌而晷生蓋度信生而不寧死其勢異也  
度信在其身則不死而責其子之死不亦過乎父  
不見甚矣而母不見尤不甚乎

### 削復行

唐以新羅背約吞百濟故地納高句叛衆遂削王  
爵遣劉仁軌李德行散兵來討以王弟仁問質於



唐者立為王策鷄林大都督討之大破羅兵於七  
重城三戰皆克羅王遣使謝罪乃赦復王爵仁問  
還歸唐而終

兩唇亡一齒寒昔與唐和今相殘今相殘亦可嘆一  
削一復為臣難遺恨送第入長安有魂不得歸鄒山  
羅麗濟三國均是一小國而唐之威武及於麗濟  
而獨不及於新羅者何也蓋麗濟則有內外賊夾  
攻者新羅則有內賊則無外賊有外賊則無內賊  
新羅之於麗濟內賊也地近而易蓄豐生而易厲  
加以唐兵之外攻則萬不濟矣至於新羅則在麗



濟之時唐兵豈有越麓濟而來攻也麓濟既亡之  
後唐但受其害而羅獨受其利矣又有烏嶺之險  
洛江之塹則唐之難攻加麓濟一層矣故唐之更  
立扶蘇隆者覺其見欺於新羅欲令新羅之勢也  
及其百濟之遺民不應畏弱之扶蘇隆難定則無  
寧姑示羈縻之色以施復爵之恩

### 天王寺

新羅文武王時唐兵既平百濟欲襲新羅羅預兵  
禦之唐高宗遂下金仁問獄責以漏謀義相之罪

新羅僧義相求道入唐將還金仁問潛告曰將與  
唐將滅高句因吞新羅必為預備歸告王



師王問策於角千金天尊天尊曰有明朗法師入

龍宮得秘法而來請召之朗師曰狼山南有神遊

林若翔四天王寺於其中設禳道場則好矣乃從

其言以彩帛飾五方神像以禳之其後貞州

在豐德下

流入海處人來言唐戰船皆沒於水明年唐更以趙憲

為將將五萬兵來攻朗師又行其法船沒如前帝

問仁問曰甬國行何秘法使我大軍再見沒溺乎

仁問曰新翔天王寺祝皇帝聖壽帝悅之遂仁問

還國仁問死於路

出補遺

鷄林老釋江南回陰雨東天撤彼桑水晶宮中傳玉



鉢城南道場飛醺香神遊林影蒼茫天王寺裡祈天  
王唐兵再化東溟魚龍乎神乎孰主張貞州傳說頻  
荒唐白豈獨東方顯有神佛力未救臺城梁火王石  
上灰空揚

元世祖大定後遣范文虎征日本全師覆沒於五  
龍山蓋登萊以東白海以北海礁水惡頃刻覆舫  
之地且兵氣生寒風勢不時則其到彼岌窳萬之  
一耳若是佛家之造化則我國已未後水踞朝  
明之時淖漫相繼此亦有關於佛神歟傳說之無  
謂庶可知矣



# 端午行

新羅文武王使庶弟車得為上相潛行國中遍觀  
疾苦緇衣琵琶若居士形至武珍州今光州吏安  
吉邀致其家厚待之喚妻妾三人曰今夜侍客而  
宿者吾與偕老且賞之二妻辭曰寧絷逐豈與客  
人宿乎一妾曰君若相愛則承命矣遂薦枕詰朝  
居士告別曰吾家在望龍二寺之間吾名端午後  
必尋之吉許諾後入京問之人莫知之有一老翁  
思之良久曰望龍兩寺間必是王居也端午乃車  
之俗言此必車得相公也遂使宮人告之車得携



手以迎入宮具宴賜繞木田

見補遺

鹿布衣小琵琶相耶卿耶居士耶不解訪民隱先解  
採人花皇龍兩寺語素微端午之說尤無稽莫笑蘇  
五奴鋤子醉繞木豐田價不低

按武珍屬於新羅則長城以下數十州之為羅境  
可知也新羅宰相皆若車得則何以為國乎

后稷聲

當在第一卷美人歸下

真平時有直臣金后稷智證王之曾孫也為兵部  
令王好田獵后稷諫而止後病且死謂其子曰吾  
死必葬獵蹠之傍他日王出畋塚中有聲若曰王



勿去者三王顧問之後者曰此後援墓也王遂潛  
然流涕不復獵

昔王遊獵途有人當馬呼今王遊獵路有墓當馬首  
墓中何所言王勿去三聲訴回頭問左右云是后援  
墓生前諫獵死諫獵青山不埋忠臣心王聞不聞應  
自知羞對荒墳荒是禽翠被復陶無聊回玉涕暗濕  
山龍襟英靈古有公孫聖三呼三應聲聲吞何代無  
忠忠有魂

忠臣之心生死如一故明成祖靖難之後執鉄鉉  
向帝立鉉背立不動烹而面之屍亦背立此其心



不死也昔公孫聖諫夫差而死死而言曰君如有  
急而呼我必應之及夫差敗困而乞稻上餘杭山  
使人呼之一一應之蓋天地不泯者正氣而正氣  
在時忠臣之魂隨以遊衍則無怪其神之顯靈也

### 萬波笛

新羅神文王

政明文武  
王長子

二年海官波珍養朴夙清

奏曰東海中有小山浮來向感恩寺隨波往來王  
異之命日官金春質占之曰聖考今為海龍鎮護  
三韓又金庾信乃三十三天之一子精靈升天垂  
臨二神欲出守國之寶陛下若行幸海邊必得無



價大寶王喜以其月七日駕幸利見臺望其山遣  
使審之山勢如龜頭上有一竿竹晝為二夜合為  
一山亦晝夜開合如竹使還奏之王御感恩寺親  
賞之有龍化為翁奉黑玉帶獻之遂賜座問曰此  
山與竹或判或合其理何如龍曰譬如一手拍之  
無聲二手拍之有聲竹之為物合然後有聲此聖  
王以聲治世之祥也今聖考為海中大龍庾信復  
為天神二神同心出此大寶令我獻之若作笛吹  
之天下和平王喜以五色錦褙之使人斫竹出海  
則山與龍不見侍臣徐察曰此玉帶諸案皆真



龍也王曰何以知之太子理恭曰第摘一窠沉水  
試之乃摘左

錦龍淵駕回遂以其竹作笛藏於月城天尊庫吹  
此笛則無水旱疾病戰伐之事風定波平踊萬波  
息笛

山畫開竹畫開山夜合竹夜合山去山來龍弱知三  
十三天瑞應集七月七日利見臺鸞車到處祥雲襲  
護國大龍將玉帶此帶與竹傳千仞龍淵南畔月城  
高一丈長笛和風霄千波息萬波息國無病民其協  
玉帶諸窠豈盡龍天尊庫中無緣業



新羅故事多是蒼茫之蹟而至於玉帶則羅亡敬  
順王敵于麗太祖未知此帶否也蓋補遺所言或  
多謊誕而取之不捨者特以世所罕傳要為記古  
之廣覽耳

### 花王諷

神文王時有臣薛聰博學解經義王嘗燕居謂聰  
曰今宿雨初歇薰風微涼子其以謔諭我聰曰臣  
聞花王之初來也百花敵媚中有一美人名曰薔  
薇朱顏玉齒解粧靚服綽約而來曰妾聞王令德  
願薦枕於香帷王許之有一老翁名曰白頭翁諫



曰僕在京城之中左右供給亦自足矣奚用此美人乎諺曰雖有絲麻無棄菅蒯凡為君者莫不親近老成而興昵比艷色而亡夏姬亡陳西施滅吳孟子不遇於齊梁即潛皓首於西漢王請鑑之於是王愀然曰子其諷我乎吾請書紳為戒遂擢臧為翰林

薛學士真學士引君道言有理清風起宿雨歇月樓上瑤席通王嘻嘻笑不絕花爛爛春盈視薔薇娥嫩妖態白頭翁陳誠意西施夏姬必亡國皓首即潛還可惜月城宮中金屏書一言能為萬歲則



孔子以諷諫為上而哀公之問孝衛公之問陣亦  
未聞獻諷或者戒其浮薄而不取歟宋玉蘭臺之  
陳風伍舉楚丘之諷鳥皆是善諷而後史歸之滑  
稽落下右尹子革一層看此不知大聖微意薛弘  
儒花王之語外似俗談而中發真誠不礙不激使  
君父幡然回悟其得孔子微意

刪水筠歌

新羅聖德王時江陵太守金純貞與夫人乘舟遊  
海上石嶂千丈有躑躅花盛開夫人謂從者曰此  
人跡所難到誰能獻此花有老翁牽牛於絕壁上



折花贈之遂作折花歌以贈之至臨海亭海龍忽  
攬夫人八海太守蒼黃無計又有一老人曰吾聞  
衆口奪造化若使一境人以杖打岸作歌唱之願  
出夫人則可以見矣從其言夫人果出水還歷歷  
言水宮異事其衣佩亦襲異香夫人主有異術姿  
容絕代每過深山大澤屢為神物所掠衆人唱邀  
娘歌則每還云

青山石杈枒上有躑躅花折花邀娘來娘在龍王家  
龍王七寶香藕綴紅雲車紅雲結娘髻天齊絡娘裾  
齊聲八貝闕貝闕驚龍眠委蛇送出水別愁凝青烟



青烟十萬家家望娘還娘言水宮好不願遊溟山  
溟山白雲裡有郎欣相握低頭問郎愁郎指青山石  
傲淵明西湖曲代邀娘舊歌繼作嘆太守不知運  
教化於黃堂之上而甘與同車遊樂海山之間閨  
闈之內不能規正而何以做新民之功乎然龍攬  
鬼掠之說太涉誕謾付之齊東野說亦可

### 栢樹行

新羅孝成王為太子時與伊飡信忠園慕栢樹下  
謂曰他日我不忘汝汝亦不改貞操而有負者有  
如此栢王即位錄諸功而獨遺信忠信忠作歌帖



於栢樹樹忽枯王恠之使人察之得歌而驚曰爰  
乎忘備弓矣遂召為中侍栢乃蘓

庭有栢栢齊人栢之春人與春栢之下與子綦栢之  
上君為真龍飛天衆魚躍蛇在野獨吟呻中有歌栢  
自枯王有言栢有神太原博進一朝償介山烟花春  
復新春來枝枝沐恩雨碩果理在回陽辰信知物物  
皆枯栢君不見獄門雷喝出巨仁

易碩果不食陽不滅之理也故復之彖曰復其見  
天地之心乎如寇萊公之祠枯竹生笋宋七帝之  
陵石潤復流皆消息之理也今枯栢之復生亦一



理也古人言貧賤之交不可忘蓋忘其舊者其心  
驕也驕則不久世之暴富貴者只惡其舊交之知  
其深淺而不惟不濟之乃反修鄰焉惡足以人道  
論哉

### 永宗怨

新羅波珍殮金永宗女入後宮孝成王絕愛之惠  
明王妃妬之使人殺之投于江永宗徘徊江岸十  
日歸哭遂謀作亂伏誅時有緋衣女出隸橋謗朝  
政忽過公門不見

西宮錦衾夢酣楚弱鸞翻為嬌鴨妬香魂泣鎖鴟夷



皮白頭老爺冤血吐江干靜綠淚花紅十日呼天天  
不雨緋衣鬼娘知我心夜過宮門潛有訴信知人間  
恩生害惡心先生先自誤

嗟乎永宗不學趙仁規之超然歛迹而汲汲於報  
仇甘自歸於亂逆之科也死固可冤而義不可不  
顧此泰山鴻毛輕重之分耳雖或得志亦不過赤  
狄為隗后犯天王之額而已

### 沂江行

新羅景德王十三年唐明皇在蜀王遣使奔問泛  
海入江沂江至成都水陸三萬里期年而至獻歲



幣帝親書十韻詩以賜之其詩曰四維分景綿萬

梯航歸上都 緬懷阻青陸 歲日勤黃面 漫下

際蒼連海隅 興言名義國 豈謂山河殊 使去傳

風教人來 藝典謨衣冠 知奉禮忠信 識尊儒誠美

天具鑑賢 弘德不孤 旌旌同作 牧厚貶比生 葛蓋

重青志風 霜恒不渝又手札以慰之王謝之

盧龍古塞驚烟起青驃劍閣愁天子天子蒙塵禮奔

問雪山扶桑三萬里大海風濤復若平精誠上徹紅

雲裡紅雲裡有帝座崇十韻琳琅親押璽除是東方

尚忠信板蕩中間識高義

我東素稱禮義之邦而其忠信節義不負人於困

阨之際自古而然矣故梁武帝臺城之變濟使哭



門唐玄宗玉皇之幸羅幣登庭此天下之所無也  
宜乎見稱於萬之首而世級愈降人心漸變詭譎  
為事少見忠信意思此必有政法所由處而無人  
辨破噫國

### 望德塔

初新羅真平王時為唐立望德寺寺有兩塔高十三層  
以修祓及景德王十三年忽震動開合欲傾者數  
日是歲唐有祿山之亂人謂其應

王心望帝德帝德高可仰寺樓設十層萬里遙可望  
登樓尚嫌低設塔高十丈影親天王寺朝暮神來達



中宵霹靂動石崩天柱盪云誰遠莫應知是羯鼓  
鄉音他時更有望恩樓望恩朝朝樓上上

新羅之事唐非女貢則佛功也焉有左道而事大  
國大國其必親之乎非但自誤並大國而誤之也  
後世其不笑乎

刪旋風墓

新羅惠恭王時忽有旋風從金庾信墓起中有一  
人乘駿馬甲衣兜鍪如將軍儀狀四十餘年又隨  
從之入於竹現陵味鄒王陵俄而陵中似有震動哭泣  
告訴之聲人聞其言則曰臣生時有赦時匡合之



元周元家在京城北十里會大雨閘川漲不得渡  
議者曰人君大位有闕天命今日暴雨天其無意  
周元乎乃立上大等金敬信為王周元避居溟州  
初敬信為角干時夢脫幘頭看素笠把十二絃琴  
入於天官寺井中覺而占之占者曰脫幘頭失職  
之兆把琴者看枷之兆也入井者入獄之兆也敬信  
信聞而患之杜門不出阿飡餘山曰此乃大吉之  
夢公若登大位而不忘我則我必解之敬信許之  
餘山曰脫幘頭者人無居上也看素笠者冕旒之  
兆也把琴者十二世傳國之兆也入天官者入宮



禁之瑞也敬信曰周元在上吾何居焉餘山曰請  
密祀北川閼神神必助矣從之及是即位餘山已  
逝矣召其子孫爵之

雨茫茫為誰雨水浩浩不可渡不可渡誰主張龍實  
有意龍潛護前年已祭閼川龍今日始知精神通宮  
中快足誰家走濟王倚門心中忡忡角干堂中罷晨夢  
手弄瑤琴占南風帳中謀士潛附耳為鬼為龍片言  
中滇州芳草愁公子怨魂應訟餘山氏

元聖之立頗似秦二世之襲位而二世元年而即  
亡元聖不亡者何也無猜克也二世嫌其扶蘓之



逼已必殺乃已元聖視天位以天命知天命之不  
與周元則置之相忘之域故元無相害之心無相  
害則好生經曰好生之心洽于民心推是心足以  
王矣

彈子玉

出章勝時涵詩作古評致諸元稿  
少厘止

新羅元聖王以子玉為楊根守毛肖彈之曰子玉  
非科目出身不可任據此可知其郡邑之任不歸  
於任子也昔范文正公以黜任子得謗齟齬終不  
得入相勢成而然歎如之何

龜珠詞



彈子王

當在之龜誅誣之上

新羅元聖王以子玉為楊根守毛肖彈之曰子玉  
非科甲出身不可任分憂之責侍中獻議曰雖非  
文籍出身曾入唐為學士不可用乎王乃從之  
彼一楊根守王不私用手鐵冠毛先生據例欲防後  
邑小為有民社責寧以白徒填差否唐家貢士當科  
甲侍中獻議誠亦苟

古時用人誠嚴且慎矣楊根區區一小邑而據以  
非科目出身不可任據此可知其郡邑之任不歸  
於任子也昔范文正公以黜任子得謗齟齬終不  
得入一相勢成而然歎如之何

久汝何郭吾數日龜吐一小珠如鰓遺狀沙須得



野人一師特而然燠之

井三十七也昔所文王以

非特目出長不日封鄰地

古謂民人始難且斯矣

甲封中

子小幽有又為責寧以白

第一路非也王不封用

文辭出良也人言遂學士

非特甲出良不日封公

孫王以王王遂封



新羅元聖王十一年唐使留一朔而還其夜有二  
美人進於王前曰妾乃東池西池二龍之妻也二  
龍與莽皇井龍皆護國長久而今唐使乃呪符道  
士也呪此三龍化為小魚貯筒而歸願陛下追索  
之王乃急追至河陽館謂唐使曰汝何為取我三  
龍而去若不還之將加極刑於是出三魚還之王  
放于三池魚喜躍而逝時皇龍寄沙彌妙正為王  
說經五旬每洗鉢於金光井井中有一龜浮沉沙  
彌每以殘食戲與之醺罷沙彌謂龜曰吾德汝日  
久汝何報吾數日龜吐一小珠如贈遺狀沙彌得



其珠繫於帶自後王見沙彌愛重及送使入唐也  
沙彌隨焉唐帝見而亦寵愛之誇美于朝有一相  
士奏帝曰此僧無一吉相得此貴重必有異物在  
身遂檢視之乃小珠也帝大驚曰朕有四箇如意  
珠前年失一箇今見此珠乃吾所失也帝問沙彌  
所得之日果符合焉遂奪其珠還送後人皆賤之

見補遺

鴨江歸客袖竹筒竹筒鎖龍茫茫去琅琅訴語如告  
急半夜龍神入王處河陽館外放魚歸金光寺裡陳  
齋琅小龜能得鮫人淚一顆酬盡沙彌恩沙彌寶氣



入長安天子下殿探練禪梵宮鳥跡今復得皇龍貴  
相餘空握生莫逢唐舉眼遺恨隨人入中國龍還我  
國珠還唐物理還主也非惡

中國人信有呪龍之術按芝峯類說壬辰天兵出  
來天將觀漢江有龍欲試呪龍之術我國人禁而  
遂止則此貯筒之說固非誕耳龜珠之說亦或有  
然楊寶黃雀隋侯蛇珠亦此類當備一奇話

### 創海印

新羅哀莊王時廣修佛事以祈福乃於伽倻山今陝  
川創海印寺集僧徒誦呪不能修政十年為金度



昇所弒

前梁武後哀莊捨身從佛徒祈福伽倻明月滿西峯  
大雄龍堂起佛國佛國如來少功德洗心不許曹溪  
水何代獨無侯老草釵血濺衣金公子

海印至今千餘年金碧炫煌如新而哀莊之命不  
帝風燭燈蛾頃刻消滅昔始皇築長城而使秦亡  
哀莊真佛家之始皇歟

龍齒湯

新羅憲德王昇十四年侍中金忠恭坐政事堂注  
擬請托金集莫能低昂遂感疾而卧召醫診之曰



病在心臟須服龍蘆湯可治乃杜門謝客侍郎祿  
真診病忠恭曰吾非霧露之病也祿真曰然則公  
之病不須砭石可一言以醫之忠恭曰何祿真曰  
彼梓人之作室也材大者為柱小者為椽偃者植  
者各安其宜而後大厦成矣宰相之政亦然杜貨  
賄之門絕請托之路黜陟必以幽明予奪不以愛  
憎則刑政穆清朝象和平雖日開公孫之閭時置  
曹參之酒與故舊談樂何病之有忠恭悅謝醫朝  
王曰臣聞祿真之言勝於藥石豈止龍蘆湯而已  
因為誦之王曰有人如此可使儲君知之宜往告



太子太子聞之八賀

相門深溪伏枕孤枕李溪前一客無病在心臟不在  
身岐伯越人空踟躕良劑自有龍遠湯祿真一言令  
人蘇書紳告君王君王有喜儲君呼

奔競之弊自古已然張師德再及王文正之門而  
不舉制誥吳中親舊薦書盈篋而韓熙載舉篋焚  
之蓋非分者營求而有則得應得者見遺分外之  
人雖然羣起如使人各有定分定分之中考其才  
而黜陟之何競之有此有時制之如何耳

從軍行



新羅憲德王十一年唐鄆州節度使李師道叛憲  
宗詔遣楊州節度使趙泰徵發我國兵王命順天  
將軍金雄元率甲兵三萬赴戰父老作歌以送之  
八月蕭颯夜吹角楊州節制喧東國唐家有詔出將  
軍云誰之討鄆州賊家家殺鷄竈出火送子遠上遼  
陽郭此去鄆州幾千里烈風漠漠吹河朔江冰未合  
便早歸馬鞭雖長不及腹

唐以千里域外之兵攻咫尺城中之寇安足以成  
事皇明末熹宗命四川蠻耆崇明北攻瀋陽女  
真未及半程苗賊大散入蜀窺楚僅僅掃平天下



之力實窮於此賊我國之人乎順恪事故自無涯  
原之亂若是他國則必作百者寅豈不危哉

菁州鳥

憲德時菁州廳事南池中有異鳥身長五尺色黑  
頭如大兒喙長二尺目如人味受五升三日而死  
初金周元退居嶺外死子憲昌以其父當立不立  
怨之舉熊川叛國號長安建元慶雲脅完山武珍  
等州以從漢山州今廣以下列邑皆望風而應角干  
金忠恭張雄等合攻熊津江錦克之憲昌自刎令其  
卒斷首及身各藏之及城陷得其身於古塚斬之



人謂異鳥之應

有鳥飛菁州翼翼如兒頭三日忽不見菁州血雨秋  
菁州山南有怨人儂身未死儂含羞湘川水漲溟山  
邃阿爺有冤干斗牛熊川風雨起虛聲一身不得藏  
一杯

周元歛迹自避無異弗父何之高而其子不能成  
其美反懷怏怏卒亡其家金忠恭忘身盡忠無愧  
庾信之誠而其子不能守其法卒為纂弑以墜其  
業此所謂清變為濁也後人曷不戒哉

嘲興德



新羅興德王

諱初以大夫娶章和夫人

昭聖王女

平及

即位追封定穆王后思而不忘悵然不樂群臣請  
納繼妃王曰隻鳥有喪匹之悲况人失良耦何忍  
再娶遂不娶亦不親近女侍左右使令惟宦豎而  
而已薨而無嗣以遺命合葬章和陵終有均貞悌  
隆爭立之亂

一夢秦樓月滿醉陽臺雲天桃落盡春無聊鏡裡啼  
鵲不忍分只聞荷守霜未聞舊死鵲舊死鵲不足恤  
但恐天家無嗣王可憐尸蟲出宮門鬪風戰血明與

陽



古語云人心如人面不同信哉斯言麗恭愍汲汲  
於生子而不顧失耦之羞羅興德汲汲於戀耦而  
不顧繼嗣之重是皆不知天命者也安天命則何  
汲汲之有

### 蘓山歎

新羅王大等金明侍中忠恭之子興德之薨奉妹  
壻金悌陞而立及即位金明秉權王不能自立三  
年明興兵作亂害王左右王避于後苑兵直入大  
內王知不免自縊而死謚曰僖康葬于蘇山金明  
自去三月有西郊之戰為金祐徵所殺以禮葬之



謚哀

鶴城東畔戰鼓起公子王孫孰能死與由婦家死婦家金明手裡如某子得堊蘓山一杯足而郊暴骨無人收誰言賢父無孝子忠恭有魂應含羞

古人云明於所敵而暗於所昵真僖康之謂乎伯貞其叔也而地勢相逼故甘得殺叔之名而必勝之金明婦弟也而私情既勝故甘受容護之罪而反為所殺此所謂明暗混錯也實自取之禍耳

飲鄭年

羅沙伐州

州今尚

有鄭年張保臯同里居皆有智畧



善戰不相降二人皆入唐無敵後保臯自唐還興  
德王授以清海鎮大使年亦歸國失職餓寒不能  
自保欲就食於保身或曰曾不相能奈何往就死  
半年卒往從之是時興德王薨金明奉王侄師隆  
金陽奉王弟均貞相戰陽均貞皆中矢死均貞子  
祐徵禮徵請援保臯討明保身分兵與年執手泣  
送曰非子莫能平亂年遂與禮徵往討明殺之西  
郊遂立祐徵為王

昔與爾為仇今與爾為儔勸爾金屈庖消我東南憂  
新羅王子方枕戈清海大使賦無衣張許金金許張



意氣驅人死不還手提金甲着將軍楊山草木皆兵  
威西郊一戰血洗箭新王立後功何歸

金明之罪國人皆可殺而禮微殺之非但父讐言之  
能報並悌隆之讐而報之可謂快男子

### 夢利弘

新羅神武王

金祐徵

立封清海大使張保皋為感義

軍使食宗封二千戶金明黨利弘懼見害棄妻子  
遁山林王遣騎追捕殺之秋王穴寢疾夢利弘射  
中其背既瘡瘡發背以是月薨葬弟兄山

金明自有罪何罪金明客知機避山林山林窮搜覓



甘心血一劍已甚何相阨神已請於帝帝許生讐復  
狼牙白翎韃一發中心腹此時清海援何能出救力  
長歌入君夢此孽非天作斜陽弟兄山同是寒草宿  
昔彭生之魂豕立而齊襄隨戚姬之鬼狗楸而呂  
后病竇嬰之神奮咎而田蚡亡孟寃氣志鬱則足  
以興妖作孽以泄其憤亦不可全歸荒誕之科也

### 劍醉卽

初神武王借兵於張保臯一名福時約娶其女至是  
王欲納其女為妃羣臣諫曰夫婦大倫也夏以塗  
山興殷以嬖氏昌周以褒姒滅晉以駘姬亂國之



存亡係焉可不慎歟今保臯海島人恐反側難常  
王從之只封保臯食邑千戶保臯據鎮叛王將討  
之恐或不克武州人閻長素以脅力聞來告曰王  
若聽臣計不煩一卒當斬保臯以獻王從之閻長  
佯叛授清海保臯愛其勇引為上客相歡無疑同  
飲共歡及醉奪保臯釧刺之

舅呼保臯舅呼甥老舅只為甥出兵龍飛上天忘舊  
淵返國終無季隈迎島人不詐王先詐千戶封邑寒  
初盟白頭吳宮有叛氣君王玉枕憂惛惛武州蒸魚  
隱匕首青史難免刺客名信是古語恩生害借兵何



功只禍萌君不見利弘有魂能射背保臯寃靈應謝  
卿

神武之聽閭長真同傳介子斬樓蘭王可謂兵家  
奇事而君子多非之我朝 中宗時野人侵甲山  
南兵使密啓將襲斬之靜菴趙公以副提學入對  
曰此事正類盜賊狙譎之謀非王者禦戒之道以  
堂堂大朝之威豈行盜賊之事乎遂上執此推之  
當有可論

寧花曲

新羅憲安王

靖無嗣會宴臨海殿王族膺康年十

靖無嗣會宴臨海殿王族膺康年十



五與宴王欲觀其志問曰卽為國仙優遊四方見  
何異事卽曰臣見有美行者三人與之交一勲閭  
子弟而下於人一富家子弟而不侈服一執足榮  
而不自榮王賢之遂隨淚而言曰朕有二女汝自  
擇焉膺廉稽首而退其友範教諭膺廉娶長公主  
三朝王薨膺廉奉遺詔嗣位陞長公主為寧花夫  
人又納其弟為次妃範教就言曰吾所陳三美今  
皆具矣娶長故登大位一也昔之所羨二公主今  
並已得之二也娶兄故王與夫人皆喜之三也王  
德其言爵以大德



臨海殿裡春酒濃冰髮君王怨無子國仙花冠美要  
妙春風顏面珠旒喜玉符傳與意中人帝堯觀刑降  
媯汭豈必範教知三美父母謂兒興家計春來鵲橋  
御天孫緱山鶴駕登仙際瑤宮洮嶺隱玉几女郎捧  
書潛潛涕官名大德報大德興輪寺僧先施惠  
膺廉以眇少之兒得三人為友可謂有哲有惠而  
但違常情而娶長女拘拘於利害得失無異於龍  
斷之年利豈有歎哉

### 竹林唱

新羅景文王

膺

耳忽長如驢耳王后及宮人皆未



知惟僕頭匠一人知之然不向人說其人將死入  
道林寺竹林中向竹唱云吾君耳如驢耳其後風  
吹則竹聲亦如此王惡之乃伐竹而植山茱萸風  
吹則但有聲云吾君耳長

又王寢時象蛇來集宮人驚怖王曰朕無蛇則

不得睡每寢時吐舌滿青口出補遺

僕頭掩驢耳長僕頭匠獨知王生不言死不亡竹林  
中聲蒼茫只恨春風入君房枉教伐竹道林場長衛  
耳亦何妨睡蛇滿床驚嬾嬾茱萸花裡魂洋洋應笑  
年年開法場

東坡詩云座中言語慎柔龜言不可不慎也彼謂



竹無聞而倡說之竹能作聲伐竹而種菜更則菜  
更又作聲以是觀之天地間浩浩不盡者氣也幘  
匠之氣傳之於竹竹之氣傳之於菜更於是乎知  
薪窮火傳之理已此言似誕而以桑龜事證之固  
有其理

### 處容歌

新羅憲康王最遊鶴城今蔚畫玩江邊忽雲霧曠  
晦迷失所歸左右曰此東海龍所寢也宜行勝事  
以解之乃命有司為龍創佛寺令出雲開霧散名  
以開雲浦龍遂喜平七子現於駕前敲舞奏樂留



其一子使輔王王名之曰處容王以美女妻之留  
於宮又賜級千爵王還乃卜靈鷲山東麓立望海  
寺以祈龍神又幸鮑石亭山神現舞於前是謂祥  
審舞霜髯舞又幸金剛嶺有北岳神呈舞是曰玉  
刀鞞舞地神出舞踴地伯舞唱歌有地理多都都  
波等曲乃人民多逃都邑將破之兆而國人不悟  
謂是現瑞淫樂愈甚以至於亡

鶴城雲生東海東汀洲佛宇新玲瓏開雲浦雲飛空  
龍宮寶珠落玉宮花月丰姿醉神翁疲神偷花翁不  
怒盡翁門前神退步靈鷲山東望海寺地伯來獻霜



髯舞多逃破都将破國破人逸王不悟却恨時無王  
令言謾把褰音傳樂府

新羅神龍之說多是荒唐而平子未舞者尤似虛  
誕蓋國俗所好則能粧奇飾異或是妖民輩自稱  
龍神疫神以惑世誣民歟今掌樂院有慶容舞狀  
頗奇怪人想像此亦佛家之欺世也歟

### 海雲曲

新羅崔致遠字海雲沙梁部人好學美容年十二  
隨海舶入唐十八登第為御史供奉遊高駢幕下  
憲康王九年奉詔還王留之仕兵部侍郎致遠以



時世衰季不得展布請為太山郡真聖女王時為  
富城郡進時務十餘条王嘉納之以為阿飡致遠  
自傷世亂不見容遂放浪山水與兄淳屠賢俊及  
定玄師結為道友到處營臺樹植松竹枕藉書冊  
嘯咏風月如陝川清涼寺智理山雙溪寺合浦月  
詠臺皆常遊玩後挈其家隱伽倻山

青海仙郎仙不遠八荒周流八龍蜿蜒山列宙列如  
年飄然烟衣遊不返洞庭落日鳴琵琶遊人萬里思  
鄉各自傷世亂歸故國故國茫茫夕陽色太山富城  
空樓樓時字誰識治平策山水友伽倻山風月友清



涼間松竹友月詠臺書籍友雙溪灣歸來但作黃葉  
識文廟侯爵還為濫

按高麗顯宗朝以孤雲書中有鷄林黃葉謁嶺青  
松之語為有密贊之功拜為文昌侯配食文廟  
應先輩多疑之其道學淳庵果與薛弘儒分數如  
何世久無傳可歎

巨仁怨

新羅真聖女主

曼定康王妹

素與角干魏弘通及即位

弘入內用事俄而弘死遂潛引美少年數群私淫  
之授以爵由是佞倖肆志貨賄公行有人談謗時



政榜於國門或訴之曰此必文人不得志而然大

野隱者巨仁所為命下獄將刑巨仁怨書獄壁詩其

曰于公痛哭三年旱鄒衍含悲五月霜其夕忽雷

震獄門女主懼赦之

北窗鳴風雨淒孤綏綏春魂迷午門懸書誅謗多說

夫附耳珠簾低巨仁文章不得志大野藏身為禍梯

天蒼蒼鬼眼昭獄門題詩雷震門豈能盡囚誅謗人

元宗叛檄皆凶言

語穽之誤人多矣楊惲豆箕之詩以怨國而見誅

東坡權塩之詠以譏政而被竄以此觀之祖伊之



告紂有曰乃罪多參而紂之咎甚順較後世可謂  
寬矣况此譏謗乃無根者而以認為真何以服人心

買夢裙

編年通錄新羅末聖骨將軍虎景生康忠居摩訶  
埤康忠子寶育為居士構木庵而居有術士曰此  
地必有唐天子來作壻耳後生二女長曰義季  
曰辰義美而多智年及笄其姊夢登五冠山夜流  
溢天下覺而言之辰義曰願以吾綾裙買之姊許  
之辰義使其姊更說夢攬而懷之者三心願自負  
唐肅宗以天寶十二載春涉海至松嶽郡寄宿寶



取襁褓兒投樓下乳婢竊捧之手觸眇一目抱逃

潛養之年十餘祝髮為僧號善宗不拘檢僧律人

多苦之三十一見國亂遂乘亂聚眾投北原今原

賊梁吉時真聖女主五年辛亥吉分兵與之東畧地眾六百

人初未起兵時有烏啣牙籤落於鉢中見之乃王

字心喜自負至是據松嶽郡國號縻震紀元武恭

後入鉢改元水德

虹垂垂屋上飛葑花葑沙邊礫五月五日子妨父父

已歿子何依生有齒遠嗟國王欲殺殺不得目已眇

髮已落不從王只從賊烏飛飛落牙籤鉢中王非真



的嗚呼鉢中王非真的但為真王毆萊雀

假王之生亦有其兆昔唐盧龍塞邊有道士望西  
南有異氣使人往覘之胡女生兒道士將兒來觀  
之曰此假皇帝也若十年後生則其必真乎其兒  
即安祿山明皇賜宴祿山大醉而卧有黑氣繞睡  
帝使人視之乃猪也帝曰此是猪龍也欲化而未  
能化其無憂乎以此推之落鉢之書亦是有些天  
命蓋革世之際羣雄必生各有其兆故僭稱者亦  
多焉補

逐豚曲



唐貴人涉海抵摩訶埤寄宿寶育家私寶育女生  
作帝建作帝建遊海宮娶龍女與之還龍翁給七  
寶珠女曰又有楊枝及豚何不請之帝建如其言  
翁曰此二物吾之至寶然君既有請不得已與之  
乃歸永安城一年豚不入牢乃語之曰此地若不  
可居吾將隨汝所之豚至松岳南麓而卧遂營居  
焉後尊寶育為元德大王作帝建為懿祖王隆為

世祖

仙李花枝浮海來摩訶古埤臨花臺花間飛蝶了春  
緣花開結子春無猜洞庭龍娘歸寶郎歸宮七寶皆



瓊瑰女執楊枝男執豚豚不入牢將何歸將何歸吾  
將隨青木山下祥雲霏後來人指元德村天字豚字  
其誰為

昔陶侃得牛眠地而葬其母我 國柳達逢父艱  
虎感其誠八九月山麓點頭若指示者然此豈物  
之能乎殆天之使耳然則豚之卜卧亦天啓其兆  
歟

### 虎乳行

正史云甄萱尚州加恩縣人本姓李父阿慈介以  
農起家初萱生父耕母饁于野置萱林下虎來乳



之年十五自號甄萱及壯體貌雄偉赴西南海防  
為裨將時政亂國危羣盜蜂起萱喁聚亡命劫掠  
州郡衆至五千遂襲武珍謂人曰百濟用國六百  
年新羅誘唐公然滅之吾將雪憤矣自稱後百濟  
紫衣郎來何處緣長長隨郎去北牆之下蒼茫所父  
耕毋饁兒何知兒兮墮地聲楚楚斑寅負嵎穀於菟  
楚有子文非虛語虎之乳如乳虎十五作賊人無禦  
遮莫說冤百濟亡百濟虐人誰與

后稷初生而牛羊有字腓之異子文棄澤而虎狼  
有哺乳之祥善人之生天固旒靈故宜有物象之



來助而至於萱賊則乃一種戾氣所種而物之效  
異者何也蓋殺運所屆徃徃天若有助於凶醜故  
物理亦隨之不可以異徵而混視以天授也

一撫骨軟

初羅憲康王觀獵道傍見一女子姿質佳麗悅之  
命載後車帷宮野合有娠而生子及長體貌魁傑  
有骨竦立故名曰竦至是真聖康之主女聞之召入  
宮中以手撫其背曰孤之兄弟皆有異骨此兒背  
上兩骨隆起真憲康之子也因封太子禪位是為  
孝恭王



兒兮莫問父父骨其誰辨娘兮莫思父父體今復見  
骨清髓綠頰而長背上崐礪真龍光局勢已自娘手  
失燒骨何救國祚亡女權為重傳朴王

憲康亦嗣頗似麤恭愍而恭愍則恥其辛旽家之  
往來暗地結情不令人知憲康則載之後車帷宮  
相通使人明白知之此所以人言之不致罵罵也

寄書封

作帝建子王隆居松岳南一日有僧憩樹下歎曰  
此地當出聖人隆聞之倒屣而出携與登松岳共  
論天運遂以一封書授隆曰公明年必得貴男既



長可以統一三韓及期果生是憲康王三年

丁酉正月

唐僖宗乾符四年

也生而龍顏日角方頤廣顙咒字弘大

名曰建年十七僧復至授以軍法陣訣即道誥也

建年二十五隨弓裔起兵為鉄圓太守

卧脉山南木青青青木下何人停云是堀林師眼

中法珠光熒熒松壇倒屐為誰迎法侶夜覘天王星

天星已屆降孤精靈基吉靄來冥冥袖中道書傳未

來

道誥書封曰寄書未來三韓王

兕生見書方通靈市中神鏡亦神

授天於此地開門庭當時密贊宣一人孤雲寶札留

松亭



唐太宗初時道士元丹丘盡大地山川以獻之曰  
定天下者必即君也夫天生救世之英雄則必有  
異人者來助即漢之子房宋之希夷明之青田是  
也麓王之道說亦天之所授也但恨出於左道不  
能正大故立國規模未免佛道之亡國也

勸後衆

弓裔凶虐日甚猜疑甚多日殺將士左右皆自危  
其妻姜氏正色苦諫弓裔大怒烈火燭鉄杆燬其  
陰殺之並其二子撲殺嘗呼王連盛色怒嗔曰汝  
何叛我連佯曰王言是矣吾果叛矣弓裔笑而不



問將軍洪儒裴弘慶卜智謙等夜詣王達第密勸  
推戴達拒之甚堅夫人柳氏在帳中聞之提甲領  
以被之勸送曰衆心所歸大丈夫何趑趄若是諸  
將遂扶擁而出令人呼曰王公已舉義旗矣國人  
謹號爭集鼓譟以從者萬餘人方商聞之大驚曰  
王公已起吾事已矣出北門亡去為各壤今平康縣民  
所殺達遂即位國號高麗達元天授

恭封日月如曉燈燈已滅風之吹廣庭血流銅柱熱  
北人齊唱喪日詩妻鉄杵子鉄棒衆心歸歸王氏何  
不信不叛人叛是宗裴洪子隔慢椒花引飛蜂手提



玉鱗跳潛龍在天雲之從居然驚走弓裔王其身  
不亡心光亡

武王降討而八百諸侯不期而來應藝祖乘運一  
營將士因醉而加袍蓋王者應順之際天心人事  
不期同而自同若赤眉之戴盆子黃巾之戴張角  
涇原之戴米泚白蓮之戴山童皆未知天時而自  
而富貴者也不可與論於應順耳宋祖初起諸將  
佐皆勸進帝趙昀不諾長姊夫人持麪杖擊之  
曰大丈夫臨事何必懷疑今歲祖舉事沛然同窾  
豈其天授真王羽翼開業者無古今之異歟



# 鮑石宴

初甄萱以其侄真虎質於高麗請和羅景哀王魏朴

唐景明帝在位四年

告于高麗曰甄賊反覆多詐不可和也

麗王然之俄而真虎病死甄疑高麗詐殺之四月

怒舉兵伐熊津不克麗王遂親征萱羅王遣兵助

之萱怨羅助兵九月侵高麗府羅王請救於麗王

麗遣叔兵一萬未及至萱兵猝入王京王方遊鮑

石亭與妃嬪貴戚日事淫樂不知賊兵猝至四處

縱兵大掠公私財物剽奪並盡賊退國人立金傅

為王



半月城邊塵漠漠  
鮑石亭前花灼灼  
花開急雨吹落  
落馬蹄下花如糞  
麋兵強獨何助  
未殺賊賊先殺生  
莫逢完山兒  
夫失婦婦失室

昔齊景公涕出女吳曰  
既不能令又不受命是絕  
物也景哀王既無自強之術  
則親隣可也反助遼  
遠之高麗構豐切近之甄萱  
可謂揮戈攬虎睡也  
鮑石花月醉夢如烟  
敵兵臨境烽燧不警  
以致覆  
墜之禍則不知門外  
韓擒虎者非此之謂乎

### 返名馬

百濟王甄萱怒真虎之死  
遂殺高麗所送質弟王



信

後太祖

第舉兵謀伐麋初萱獻絕影鳥驄馬一疋於

麋王後聞讖諠云絕影馬至高麋百濟亡萱悔使

人請還其馬麋王送而還之

絕影馬馬何來人之送天之與絕影馬馬何去爾所  
欲我所許興亡在德不在馬巷諶街讖何能為死質  
生質交作害何恃完山反覆兕贊皇受羊君不聞其  
兆已成還何益不知家中有神劔枉思塞馬還亦福  
贊皇公李德裕之貶珠崖也未及行問道士倪  
曰吾行當返乎道士曰然公曰何謂當返道士曰  
公稟祿于天一生食三萬羊今食二萬五千餘五



千還當食坐語間靈武節度使送羊三千頭辛未  
公愀然不樂欲還之道士曰公之命數已盡天已  
送之卻之無益遂受之竟死嶺外夫無心者天也  
有心者人也萱之送馬乃無心之事索還乃有心  
之事豈可以區區私心奪天造化乎

倚巖曲

羅王金傳請麗王同會麗王以五千騎往會羅王宴  
于臨海殿酒酣王泣然流涕曰小國遭甄賊禍亂  
不能自立願歸命大國麗王慰留之明年王與羣  
臣議降于高麗王子承廉諫曰國之存亡自有天



禽當與忠臣義士收合心力盡而後已豈可以一  
千年社稷輕與人乎王曰孤危若此旣不能強又  
不能弱至使無辜之民肝腦塗地吾不忍也使金  
封休賡書往歸承廉遂痛哭辭王祝髮為僧名梵  
空往皆骨山倚巖以為屋麻衣草食每向南哭泣  
以終其身後住海印寺

漢北地羅梵空死宗廟生皆骨生死本同心此心亘  
如長空日臨海殿中春酒綠階車轆轤朝松岳落日  
魂消萬山峯草食不減西山薇何處柳花宮夜夜魂  
應歸



昔少康以一旅之衆一成之由能復禹之績衛文  
以大帛之冠大布之衣能興衛之亡敬順王以一  
千年社稷付之高麗不思收拾殘燼恢復舊業者  
殆近乎庸暗矣錢王表忠觀碑曰河東劉氏百戰  
不屈築骸成城積屍如山而滅亡無餘錢氏三世  
以五十州之地不勞血刃來敵天子子孫世榮朝  
廷禮待敬順來降亦似錢氏言則然矣而事竊不  
同錢王即閏位也夫宋統一之後錢王不過漢朝  
之尉佗固可降也敬順即正統也如漢敵唐昭之  
姜弱不振者一能奮發則自可恢復承庶之諫不



亦宜乎

可憐謠

百濟王甄萱有子十餘人以第四子金剛多智欲  
立太子其兄神鈕良鈕龍鈕等憂之伊飡官名能吳  
與神鈕出萱於佛寺殺金剛遂自為王移萱金山  
寺以將軍巴達守之時有童謠曰可憐完山兒失  
父涕泗漣萱乃釀酒而醉守卒與小元吳瑛等出  
奔錦城麗王以海舶迎之既至厚待之弭為尚父  
可憐完山賊失兒將何托可憐完山兒失父將何依  
金山佛宇如臺城羅州海舶招紅衲醉卒齕齕決帳



出出小元將軍心獨知歸來無面對金相何忍同朝  
說說興衰

甄萱置儲事頗似趙主父袁本初舍長立幼反致  
自中之亂紹則寢屍未冷戈戟相尋於堂室之間  
武靈則心計未行崔轂徒探於園囚之中俱為千  
古之笑甄萱能用謀脫囚投身於敵國難免廟梁  
之禍屈首偷生其辱相去幾何

### 鹿報恩

羅末西原州今清民徐神逸郊居有鹿帶箭走投神  
逸拔其箭而匿之俄而獵者來索甚急徐牢拒之



乃返遂傳藥鹿瘡放送之夜夢神人來謝曰鹿吾  
子也賴君不死當令君子孫世世為卿相神還年  
八十生弼弼生熙當農成宗時契丹蕭遜寧侵西  
鄙熙遣兵克之遂入遜寧營結和而還

孫恭相  
繼為相

後熙位至  
太保子訥

青城老鶴帶箭歸雲孫解憐傷弓數拔鏃傳藥非淫  
報自是仁心人自有楊家黃雀啣黃花隋園老蛇呈  
珠玖神人愛子子亦愛子佑於吾吾亦佑自是神夢  
天所授為報世人陰德守

孔子曰閑雖興于雉而君子美之取其雌雄之有



別也鹿鳴興于數而君子美之取其朋儔之聚食也若以鳥數之名而嫌之豈可以盡人道哉犬馬不忘惟蓋之恩人而忘其主者曾犬馬之不若也禽鳥不失伉儷而人而失伉儷者曾禽數之不若也豈可謂禽數之無知哉

跪康兆

慶穆宗

彌景宗  
佃子

疾大漸無嗣召大良君詢於神穴

寺將立之使西北面巡檢使康兆入衛兆領兵入城逼王出寺弑之立詢為王弒顯契丹主自將四十萬兵討兆弑王之罪渡鴨綠江至通州兆以劔



車排陣屢破丹兵遂有輕敵之心彈其為戲丹兵  
破三水砦北聞報驚走見穆宗躡後大呼曰汝奴  
天已誅之其可逃耶北脫袿長跪曰死罪死罪言  
未訖丹兵追至斬之

太清宮中玉几憑神穴寺前新日昇西北元戎忽作  
賊遼西義旂風雷騰三水砦前彈其客風馬空中鬼  
誅促奴有死罪奴自知天之不容神心殛君不見紺  
岳山神能退敵如何退敵不誅賊

長端紺岳山神現  
旗兵馬丹兵懼

退而

乃罪多參在上則天神鑑臨人鬼並殛之豈必穆



宗之神能乎哉罪人心中自有得罪處故發於其  
心現於其眼者然耳所可惜者顯宗德其立已不  
問弑君之罪坐致契丹之師討罪有名何言以答  
契丹哉

### 綵棚宴

麗顯宗詢庚戌契丹大舉入寇西原留守姜邯贊  
帥兵屯寧州伏兵山谷以大繩繫牛皮塞大川以  
待賊至決水灌之大捷契丹將蕭孫寧引兵趨京  
城邯贊迎擊於慈州敗之又遇于龜州乘風雨邀  
擊大破之遼兵僵屍蔽野棄仗而走邯贊凱還顯



宗親迎於迎波驛結綵棚以宴之以金花八枝雜  
揮耶贊首以慰之

西京上將纔就戮遼海狂塵日漠漠始興將軍起點  
兵文曲明星滿地燭大川繩慈山石龜州風雨神兵  
擊清海鎮前凱歌還迎波驛下山棚起君王手花元  
戎首勞軍酒闌千軍喜信知得人能任人舉國能免  
左衽耻

知人為難用人尤難用人雖難信人尤難顯宗能  
信耶贊故能成其功可謂有善將之度歟

釋煦來



鹿文宗

徽頭宗第三子

有子

僧名釋照

出家受戒文宗末年以

僧統入宋求法平門徒二人潛通宋商而去宋帝

引見待以客禮照請至吳中詩寺遍觀之宣宗

宗時表請于宋還之遂許東還明年王鑄十三層

黃金塔於會慶殿

初太祖召大臣朴述熙授訓要十餘其一日國家大業資佛而

成故創立寺院六日燃燈事佛八日開會以事天世世守之

東方王子大法師迢迢海舶遊西涯天子宫中虛半

席詔許江南踏風月芙蓉殿上聽梵唄層塔黃金空

色出東王西帝俱佛奴不亦賢儒事聖佛君不見太

祖訓要誤後王燃燈八開災普滅



按東坡集元祐二年高麗僧義天航海至明州帝  
下詔義川棄王位出家遍歷叢林宜厚接使楊傑  
館伴所至諸刹皆迎餞如王臣禮獨金山僧了元  
休坐受其大展朝廷謂之知大體坡詩曰三韓王  
子西來法響遠彌天兩勅敵其名與東史不同似  
必此時事也

### 招國髦

麗宣宗納元信宮主生煦宣宗薨敵宗昱立宮主  
之兄李資議謀立煦鷄林公熙知其謀諭大將軍  
王國髦入衛國髦令壯士斬資議及其黨平之



種玉藍田玉生子商人賣玉還為灾內房肺腑挾驕  
甥廢立陰謀日夕催鷄林公子朝天客夜剖金麟出  
將臺臺上元戎密受誠帷中鈞客磨鋒來一得兵權  
終得國先王少弟何人猜

資議叛謀徒害於煦無異濟王之潘壬若無資議  
之謀凶則獻宗薨後宗統之傳非煦而誰肅宗可  
謂漁人之坐受也資議可謂促食而噎咽也耳

### 荆南京

初道詵云高麗有三京松嶽為中京平壤為西京  
木覓為南京開國之後百六十年可作新京都木



覓壤文宗朝欲立宮闕肅宗熙立衛尉金謂碑上  
書請遷都南京王使崔思泳等相南京奏三角山  
面嶽之南今白岳山山形水勢符合古文請躬基於中

心

壬坐丙向辰巽水口

遂從之

松岑旺氣百六裏白嶽山南定新基鳩林老師慧眼  
通左蘓之說能破疑衛尉一言作定案夕陽揆度煩  
崔師丹書翠壁在何處水勢山形云是奇誰識千年  
仙李基枉勞心神勤築埤

先是道誥有云左蘓白嶽山右蘓白馬山北蘓箕  
達山等三所創建宮闕之語載在國史禍之初年



召洪仲宣權仲和等曰地氣有衰旺松京已久宜  
擇地徙都其考道詵書以聞搃郎閔中理上言北  
蘓箕達者即炭溪也可以遷都於是遣仲和相地  
還報曰得北蘓宮闕舊基百八十間朝議皆云炭  
溪僻在山谷漕泊不通難可為都遂寢之乃設左  
蘓造成都監以治宮城或者肅宗開都南京中間  
廢棄至于禍而重修之歟

### 牧丹詠

慶曆宗保肅宗子好逆遊更設八閑會於秘庭使倡優  
歌舞仗內又御鈔樓製牧丹詩命儒臣應製賜錦



段以賞之又幸中京平泛舟大同江水與扈

駕諸臣唱和知制誥崔瀾上書曰帝王當好經術

討論經史諮議政理豈與輕薄詞臣吟風唳月以

喪天秉耶王優納之有說者曰此必害臣等之近

侍也瀾短於詩賦故有此言王黜為春州府使自

是不敢言王常御紗樓召諸文臣刻燭賦牡丹時

康日用以詩名燭將盡纔得一聯曰頭白醉翁者

殿後眼明儒老倚欄邊乃袖其藁伏御溝邊王命

小宦取見之歎賞曰古所謂白首花鈿滿面不如

西施一枝簪花此之謂也王以尹瓘吳延寵為將



軍擊女真奪九城又立國學置養賢庫選名儒以  
教諸生

八閨紗燈瑣星開宮車夜從毬庭回紗樓南畔列儒  
臣紅欄盡橋繁花催雀知誥諫何心康學士方苦吟  
西施一花尤生色金臺燭影春沉沉大同江中足風  
月君臣但醉江山色歸來夢醒峯城縣淚濕龍衫憶  
瘦翼

睿宗御家則納宣宗女為妃又納李資謙女為妃  
淫戲無度論政則專尚詞華日與輕薄詞人爭能  
閹巧踈斥忠規可謂病國之末主而猶能十七年



之間西得抱州之陟北拓女真之城四境寧謐者  
何也能任賢勿貳也

### 先春碑

睿宗時北邊女真未侵王以尹瓘為元帥兵延龍  
為副東至長春驛襲擊大破殺酋長數人破三十  
餘村斬千餘級分遣諸將畫定地畧東至火串嶺  
北至弓漢嶺西至蒙羅骨築城四處又城咸州及  
公嶺鎮遂立碑於先春嶺以表疆畧築宜州通泰  
平戎三鎮為北界九城徙南界民以實之俄而女  
真裏思弗等來朝請還舊地遂許之初副將全漢



忠以為不可棄賊至是平章崔弘嗣極論權喪師  
之罪削權爵後追封鈴平伯

躡蓋馬

白築不咸

今白頭山

築九城廢金百巖先春嶺北海

底南望北斗何迢遙將軍劔斫石石破碑千世全摠  
兵議不協崔平章謗盈篋公然費力公嶮鎮歛手還  
他舊城堞方漢嶺西少人到南民北去無一面道誰  
更見鈴平碑空見獵登定疆保土

尹文甫石標雲棧崎嶇北伐拓盡數千里之地

慶源二百里

豎碑輝武功則大矣而卒聽謗毀斥而不

用終為敵誘還與九城可謂浪費兵力授賊以刃



也若使文肅曰其得勝之勢按而有之以襲朝廷  
之風化則可享至今之利而失此機會終為彼土  
惜於清康熙壬辰彼送穆克登于北道定丙國境  
畧我國送宰臣朴遂同為立標克登至白頭山  
南半脊定界樹標我國人不爭而歸於是失其  
舊有之土文肅能拓未拓之土而後人坐失既拓  
之土良可慨也

### 迎佛骨

睿宗十五年迎佛骨於禁中又幸安和寺薦酌順  
德王后影堂流涕被面后李資謙女也聰慧有寵



及薨王悲慟親送至於神鳳門外頒幸魂堂哀慟  
言官諫不聽又置酒資譙山齋以譙之曰賜功臣  
弔

東國獨無韓吏部大內親迎佛骨朽一念枉走安和  
奇菩薩慈悲果何補君王掩面千官泣神鳳門前靈  
雨灑公然寵錫功臣弔祗恐羣臣有私話

唐宗黷武拓邊如唐憲宗之削平藩鎮廣進內寵  
如唐憲宗之不立元后又為迎佛骨於大內正是  
元和天子焚香親迎之心法而我國獨無佛骨  
表一封良可慨然



清平詞

李資謙以其女為王妃權勢日盛其弟資玄懼之  
歛跡隱居于春州清平山睿宗累召不起因落髮  
修戒自稱處士友人郭興以按察使來訪不見乃  
以羽服角巾屏驕直入處士同宿唱和其後終於  
山臨終戒茶毗至今清平寺有舍利塔

漢王梁麗資謙門赫赫勢炎炎紅陽村下白雲起霄  
海冰山道眼覘生不願乘蒲車輪死亦何及城門火  
托身如來佛亦受麻衣草食琳宮坐故人甬巾來何  
晚清風颯颯詩相和九松庭邊野鶴巢時時掛巾巾



影挖留與神珠作寶塔較却其兄孰多寡

李處士超然於契燭之中飄然清風能使百世立  
懦廉頑求之大國亦難得矣況我東乎余嘗過春  
州清平山見舍利塔石中朽骨亦令人起歎

### 解夢慶

慶仁宗

德 睿宗子順  
王后所生

即位侍中李資謙納二女為

王妃是日大風雨資謙釋袞受群臣賀錄事安甫  
獬智延祿等謀誅資謙及拓俊京不克而死於是  
資謙舉兵燒宮禁遷王西院王請禪位平章李壽  
大言曰李公豈敢篡乎資謙計遂沮遂進毒餅中



以進王李妃密白王及授餅于烏烏斃又送毒藥  
妃捧碗覆之王知其謀害遂命崔思全往諭拓俊  
京制之俊京與兵部尚書金向平將校八宮奉王  
出御軍咒監捕資謙及友黨並流之遂廢李妃納  
任元凱女為妃妃初生之夕其舅李璿夢黃大旗  
豎於其庭旗尾飄紫於宣慶宮鵠尾及笄中郎金  
之孝聘之將入門妃暴疾以塞翼日占者占病曰  
勿憂此病貴不可言必為國母資謙聞而惡之貶  
元凱為開城太守歲餘縣倖夢太守廳棟折生竇  
黃龍從竇出詰朝告其廢至是王將納妃夢得往



子五升黃葵三升覺而諸俊京俊京解曰荏者任也納任為妃之兆也五者誕五子之徵也黃者皇也葵者揆也皇王執揆度之祥也三者五子之中三子御極之象也後果驗

壽清宮中日風雨西院夜火通宵明烏餅藥盟呈凶  
機拓即紀綏繇王城誰家大旆繞雉金即入門無  
親迎權臣妬人不妬天清河岸崩壓還生黃龍出寶  
沙麓崩宮車百兩迎開城天上黃葵夢中落三龍御  
天奇徵成

資謙我東之曹掾也納二女為王后茂君父闔天



位究其心跡諸人所知而但幹局手段與曹操生

熟判異故未能害人而甘先受害幸矣

生於漢末死於魏

豈生於命之下

富貴在天故真西山詩曰知天焉用尤

此文當在孔氏曰死生有命之下

未名漢書詩云子名ハレ才女名ハレ

界予其能廢乎

品墮島

麗仁宗朝李資謙既竄靈臺殿死拓俊京當國

將犯闕左正言鄭知常上疏曰五

月之事一時之功也二月舉兵之罪萬世之罪也

請誅俊京於是流俊京品墮島而死後十餘年王



有疾徙資謙妻子於仁州追復拓俊京官徙巫言也

拓將軍逞凶鋒鄭正言言有宗一時功萬世罪罪有刑功無功岳墮島如木綿菴人兮恨無監押忠赤節再生九原色忠言不從巫言從

倣西涯樂府木綿菴而作仁宗之放俊京一如齊公之放盧蒲欒功不得贖其罪也宋之逐賈似道也監押鄭虎臣私自殺之曰吾為天下降惡虜之監押恨無快男子如虎臣者也

謝應誠



麗仁宗時金兵入汴虜宋二帝囚于五國城南宋遣刑部尚書楊應誠奉幣由海道通信于麗請假道以水豬迎還二帝主答書曰今女真之盛小國亦畏怯稱臣若許假道則金人始知海道之為捷必假道於我以通聘上國為言則何以拒之乎且知海道之便則上國而浙淮南之地必苦兵矣應誠往復不已又答曰小國習知金人情偽今使臣由此而往五國則金亦假道而往上國此苦陸戰南苦水戰腹背受敵矣應誠怒不受謝書而去江南笳鼓凝皇情白雲何處雲頭城皇華春色暗地



來指點東溟引歸程桓山飛鳥豈不憐北林虓虎多  
哮聲馮亭移禍恐坐受宗禍為重高義輕君家自有  
岳將軍何不一送迎鑒行

按朱子大全高麗王以疾請醫于南宋宋擇醫送  
之麗王留置舍館厚饋之三月終無診病一夕王  
召醫密語曰爾國以金人為何如人而輕信和親  
乎金人貪惡無厭爾國必為其欺今茲求和者只  
以二帝為釣餌以盡取宋地畢竟滅宋而止其可  
甘信和說乎我國則習知其詐已有防禦之道故  
彼不得生意爾歸告皇帝以非久金必渝盟必盡



豫防之道因厚資送之蓋庶王非不欲助宋而力  
不足也宋若使韓世忠劉錡輩沿東海入我北道  
暗取二帝而去我國亦豈漏洩也惜乎南宋廷議  
多歧危而不出此也朱書所言東國史之所闕也  
應誠往來宋史之所闕也故具以錄之

### 大花勢

仁宗時僧妙清言西京林原驛是陰陽家所謂大  
花勢若立宮闕則可並天下乃作新宮名曰乾龍  
殿或勸王稱帝達元王不聽而已移御大花宮暴  
風揚塵大星墜地又雷震其殿明年妙清叛王命



命金富軾討之

大花勢林原驛陰陽之說誠無稽叢林妖氣解誤人  
木宿動色秋天迷蒼黃法駕塵外驅天若有知天亦  
怒乾龍半空霹靂碎天意定使妖僧懼貪僧一念自  
貪禍六月官軍沮水渡

道詵稱東國山川以白頭為首逶迤東行是為水  
根而木榦枝葉散于西結花作子妙清所謂大花  
者案襲玉龍之言故仁宗之惑如此耳然陽陰家  
又稱我國山勢如頭戴篋笠向西跪坐之狀終是  
服事大國云則其云稱帝者亦是妄術士也似此



妖人何必假借而授之權乎

署鄭誠

麗毅宗

現仁宗太子

生窮極奢麗委任小人遊幸寺院

宴醉侍臣宦者鄭誠以崇班着犀帶居上座代言  
王軾指臺端曰臺官者是無目者也何不彈彼御  
史雜端李綽升令臺吏李份奪取其帶誠白王王  
不悅罷宴解御帶給之俄而以誠為閣門祗候諸  
諫官不署其告身王召諫議李公朴背署之自是  
權傾一世侵漁百姓宦寺之亂法於此為極俄而  
遷其母任后於普濟寺流第暎於天安府



太平院中列瑣瑣紅鞵老狗當高座柏堂公論森似  
刃老吏戟手權瑾控君玉玉帝為誰解寶誥天門頌  
刻下可憐骯髒李諫議不惜公咒從王言刑人何厚  
親何薄普濟寺中凋青萱

毅宗承二代耆靡之餘狎暱宵小偏愛詞華足以  
召鄭仲夫之亂而況罪犯不孝其為義賊之絀無  
辭可免

葦池樂

毅宗御西樓觀擊毬築假山於壽昌宮又毀民家  
五十餘區作太平亭亭南鑿池作觀瀾亭其北構



養貽亭青梵蓋之南構養和亭以援蓋之又采玉石二星

為仙山太史監劉元度奏白州吟白兔山皆中興

基命海西丁夫作新闕王臨幸受賀代言金敷中重修觀瀾亭

昔茲邑民遍植松杉於寺北築壇為泮屋設宴又於西臺王典宰臣侍從酣飲盡歡厚賞敢中

使鄭誠祝釐於奉靈寺大饗宴王自吹笙回問知

音人左右以李鴻升對之召以吹之大悅日留宮

中又構象美亭於清靈齋之南貯水成池岸上作茅亭鳥雁蘆葦宛如江湖之上又作龍岡奇石

壁臨水削立曰虎岩亭奇花異木列植四面築堤

為湖每泛舟南池滿載妓樂交呈百戲令小僮童

起萬春歌漁唱互答於遠浦泓流往來侵夜不還又

懷德門風亭水榭連絡山溪近習朴諸亭之作也



有一卒貧來自食衆卒分而餉之一日其妻來餉  
卒曰何以辨此私人而得之手竊人而得之手妻  
泣曰妾貌醜誰與私妾性拙安能竊但截髮而買  
食耳因示其髮卒嗚咽不能食聞者悲之王與文  
人詩僧共為酣飲無虛日扈從將士竊憤曰文官  
得意武臣皆飢何可忍乎於是鄭仲夫李義方之  
徒密構凶謀

西樓打毬回飛泉村家半入新亭延白州消息搔民  
首花石綱觀瀾川西臺春酒下北壇衆宰拍手金仙  
呼醉中吹笙也勝事此曲只應人間無知音幸有李



鴻升一拍二拍顧敷愉南池北渚花漠漠棹歌漁唱  
聲聲和獨不念西牆之下截髮女吞聲暗訴新郎餓  
文官飽死武臣饒白馬之禍誰怨過

臨春結綺叔寶所以喪陳迷樓行宮楊廣所以滅  
隋花石艮嶽道君所以失宋而毅宗兼有之可謂  
亡國之君只滅其身者何也蓋偏邦而無外患也  
若是外寇之窺闔則便是義慈之失百濟豈但鄭  
仲夫李義旼之亂而已哉東坡詩云當時亦笑張  
麗華不知門外韓擒虎者此之謂乎

降金龜



毅宗時敵瑞者衆狼星見于南極

天狼星在宿下其色甚大準

南極老人星二十度

西海道按察使朴純嘏以老人星見敵

賀王親醺星結綵棚受百官賀製樂章侑工歌之

有三莖蓬生於延福亭羣臣以瑞草生庭賀之水

州

今水

民耕田得金一錠狀如龜知州吳錦之取

以獻左右曰天降金龜聖德之應羣臣皆賀明宗

時諫議金莘尹奏龜錄之子孫

狼星為瑞星惡蓬為祥莖水州金龜生龜亦知世情

百工何笑歌百官何賀聲不知豐年為上瑞指點虛

無說分明可笑只知郡只為眼前求福計不思他日



# 金莘尹

漢武好祥瑞而五時獲麟渥洼得馬宋真好天書  
而寇萊公進天書王文正亦敵賀後世笑之蓋上  
之所好下心媚焉人不以為恠而彼莘尹則禁錮  
納媚之子孫法亦嚴矣

## 朝廷沉

毅宗專用文臣金敦中富執李鴻升輩日事遊詠  
侮蔑武班王章普賢院武臣鄭仲夫李義方義旼  
等隨至乃於中踞大殺扈從文官又遣宦寺大殺  
留都諸文臣時人以普賢院為朝廷沉俄而放王



于巨濟為義旼所殺

普賢院下生黃河清流文臣入濁波  
鞞鞞鞞鞞如跳拔朝廷沉巨濟沉朝廷巨濟誰深  
淺古來弛張一失宜畢竟皆致玄黃戰

唐末文臣以詞華侮世柳燦含怨訴于朱溫盡收  
文士于白馬驛投之黃河曰此輩清流宜置濁河  
不久昭宗被弑今鄭李凶逆一般朱溫而猶不至  
亡國者蓋唐有藩鎮之外圍而東國偏邦自無外  
圍之患耳

山呼亭



鹿明宗

昭宗

鄭仲夫迎立為王自為功臣俄而宮

闕失火仲夫恐有變亂閉城門不納救火人殿宇  
燒盡王出居山呼亭痛哭不已庾應奎詣景靈殿  
抱太廟五室真容以出初仁宗患李資謙秉權欲  
急除之問於侍中金仁存仁存曰上生長外家恩  
不可絕不必輕動王不聽及武班乘間作亂王悔  
曰恨不用金仁存之言耳

玉清宮殿夜來紅山呼亭畔君王哭闕宮真容落草  
中城門盡閉人無跡眼中庭臣皆拔扈屹千山雀空  
煩冤外家非禍別人禍秋風回憶金仁存



毅宗荒淫被弑明宗徒思立已之功不問弑逆之  
罪自是以後紀經日紊西京而有趙位寵之亂內  
庭而有崔忠獻之擅廢主張四君之廢立明宗薨  
後不立太子而立其弟昀是為神宗神宗薨而立  
其子顥是為熙宗廢熙宗而立明宗子禔是為康  
宗康宗薨而立其子曷是為高宗五十餘年之間脛  
擁四君視如易晷政令不出於朝廷威權並歸於  
私家可謂汨董之國而猶不至滅亡者無外寇之  
侵軼也此時北方金元吞噬未暇而東故得以自  
保耳



鳩車戲

內嬖明春死明宗失聲哭而親製悼亡詩以自慰  
太后寬譬之曰雖是情鍾不可使聞於重房也王  
自經武臣之震動輒驚懼內嬖尤寵者純珠明春  
相继而亡無以遣懷遂集諸嬖人之女兒于宮中  
衣以斑斕載以鳩車嬉戲啼號故武臣皆誹笑之  
王懲毅宗不睦召其弟僧冲曦侍太后曦多淫宮  
女又通公主右司諫崔詵上疏斥之王怒曰汝離  
間我兄弟也自是無敢言者

君王哭哭淒楚龍陽之寵皆黃土花樓夜月稍有思



耳冷東朝寬壁語明粧小兒亦何愛長日鳩車戲紫  
禦鳩車戲不足笑父兄讐甘同處外庭却有鄭將軍  
內庭任他如來第誰憐咄咄雀司諫獨抱琅玕上前  
啓

世以漢靈帝宮中賣胡餅為戲指謂亡國之兆而  
明宗以朝廷為兒戲之場以女寵還母后之戒內  
則冲曦之淫褻也外則仲夫之濁亂也其昏淫如  
此安得享國之長久乎此下當言買舍銀章

### 楊水尺

初麗太祖攻甄萱以楊水尺為前鋒所向皆捷為



其有功使之任便居住其後楊水尺多居雲中道  
毅宗時李至榮為朔州將軍以水尺等無役屬於  
所寵妓紫雲仙徵貢以饗利至榮死崔忠獻又以  
紫雲為妾徵貢尤甚水尺苦之至高宗時契丹遺  
種金山王子脅河朔之民自稱大遼避蒙古渡江  
攻掠朔義雲燕等州平其家屬滿山野水尺迎  
降為前導高宗遣將軍盧允純金就砺等禦之即  
將丁純祐入賊中奮擊斬楊水尺丹兵潰散

昔歲戰湖南今歲居雲中自去自來無王役為是先  
朝有大功朔州將軍下新法紫雲仙人富錦細妻不



得息天不休崔家老奸尤誅求金山旗鼓日相聞水  
尺千羣化為仇生莫逢丁即將亂雜餘生播歛愁

法出羸民愛生不虞駟山起守土之役而陳涉倡  
變桂州興赴戍之卒而龐勛作亂其餘歷代之禍  
亂皆曰微背而起楊水尺麓祖之所棄置而便居  
者也李崔二姦迭相侵歛作為囊橐之物此國無  
法而然也國苟有法雖是權臣豈得自歛科外之  
物哉

### 逐數窟

麓高宗

暇康子時權臣崔忠獻死其子瑀代領中丞



三司事蒙古遣使臣

與

古來索土物

願皮細細細  
御白綿蒼龍

與之垂不滿意遂杖擊館人毆殺市徒將軍金希

碑善諭之解怒還渡鴨綠江盜殺之於是蒙人疑

之大舉兵八寇瑠瑯王八江華

六口

蒙兵散

掠

黃海楊廣等道南下車嶺至全州古阜之境王遣

將軍金寶鼎等上表乞解兵蒙王詔王親八朝乃

解兵王不肯乃連年來侵及瑠瑯王沅東政三年蒙

兵又大至永寧公傳在蒙營貽書崔沅諭以太子

安慶公沅躬來請和則退兵沅不聽蒙元帥也窟

移兵陷西海道王乃遣永安伯僖致書也窟也窟



責曰甬王親出江上迎使則兵可退王遂渡江  
甲津出迎蒙使蒙使蒙古大謂王曰何惜一出迎使  
無辜萬民橫罹鋒刃乃酣飲而歸王遣渴偕崔璘  
入蒙營設饗請退師蒙大將軍羅大曰崔沆奉王  
出陸則可羅兵曰頓兵劫掠大殺二十萬六千九  
百人兩經之屢灰燼蕭然已而沆死子頊為政遣  
金守剛入蒙京乞解兵蒙主憲以國王不出陸為  
辭守剛曰譬如獵者逐獸入窟指弓矢當窟而坐  
困獸何從而出乎蒙主曰善遂解兵時蒙古專攻  
南宋故許之也



鴨江使者歸不得鉄木狂風掃東國一隅沁河若對窟  
獵夫持弓當窟逐只恨仁城金郎將舊擊撞戈嬰虎  
狼崔家四世甘殺民不降不戰守一方江頭白骨積  
如山一樽何救三軍亡八城出陸何相持只是人間  
弱畏強若非蒙兵南伐宋東國幾為蒙家衆嗚呼古  
江華猶是時今日江華爲足重

梁山泊乃七百里沮洳之地故宋末諸盜得以盤  
據而官軍難攻女真之寧古塔慶源北三百里全  
是泥濘之地編柳為筏人得以往來故外寇難侵  
古之江華天險可恃者城門外海堧全是泥陷之



地故舡難艤人難步近日則沮洳之坂皆為軍門  
民家堰畚泥坂轉為高燥處處可以著足在在可  
以維舟則何以為難攻之地乎且壬辰倭寇見我  
國堞皆為失築築城之規三面據水岸絕壁一面  
為門拒賊平地便於防守云江華之築亦無憑水  
三面此非防守之要也

買舍銀

當在鳩車戲之下

康熙宗時散貧盧克清家貧欲賣宅資生適克清  
在外未還其妻受郎中玄德秀白金二十斤賣其  
舍克清還詣德秀曰此吾九斤買者加受之不廉



請還之德秀曰我亦守義而已價既君有吾何受  
焉克清曰吾平生不為不義屈豈可賤買以貴賣  
乎汝若不從請還吾家德秀不得已受之乃歎曰  
吾豈讓克清廉德耶遂以金施佛寺

盧生家無多金玄即金無多家平生各守義義是一  
定無相差豪傑不待文王興虞芮讓田非堪誇歸來  
佛家捨施厚却恐如來亦不受

後漢時膠東公沙穆使人賣病猪於市以其隱病  
受過直還其半直買者曰約已成何復取為辭之  
穆亦終不受處士范丹遭黨禍隱傭而貧村人尹



臺潰麥一斛丹自外還見麥還尹尹托以已糴他  
麥不受曰棄中踞若新羅沙伐人即觀賣綿署調  
買歸有鴛攬綿歸即兩人相讓不取以至置市而  
歸蓋古之風俗淳厚專尚廉讓之習而然至於今  
世厚風日陷奢靡成俗只是貪吝貨財人欲日蔽  
不知有廉恥往世廉讓之風已矣無聞嗟乎

海東樂府卷之二







